

J. N.

DISSERTATIO
De
JESUIT

Quam
DEO ANNO
atque
BENEVOLO

Amplissimæ Facultat
in illustri Phi
Publico Placidoque Er
exhibebu

P R Æ S

M. JOANNES

Crimmitschaviâ - Misn

SS. Theol.

&

RESPOND

JOANNES TO

- Geranus, SS. TH

Die Octobr. A. O.

in Auditorio Collegii

H. C

L I P S

Literis IMMANU

N. 7.

IO HISTORICA

De

TISSIS,

Quam

NNUENTE

atque

OLO INDULTU

cultatis Philosophicæ

ustri Philuræa

que Eruditorum Examini

exhibebunt

RÆSES

ES COLERUS,

- Mifn. Alumnus Elect.

Theol. Cult.

&

SPONDENS

TOBIAS Gleich/

is, SS. Theol. Stud.

br. A. O. R. M DC IC.

ollegii Majoris Principum

H. C.

IPSIÆ,

MANUELIS TITII.

*SERENISSIMO CELSISSIMOQUE
PRINCIPI AC DOMINO,*

**DOMINO
CHRISTIANO,**
DUCI SAXONIÆ, JULIÆ, CLIVIÆ
AC MONTIUM, UT ET ANGRIÆ,
ET WESTPHALIÆ, LANDGRA-
VIO THURINGIÆ, MARCHIONI
MISNIÆ, PRINCIPI COMITI HEN-
NEBERGIÆ, COMITI MARCÆ
ET RAVENSBERGÆ, DYNA-
STÆ RAVENSTEINII,
&c. &c.

**PRINCIPI AC DOMINO MEO
LONGE CLEMENTISSIMO.**

X 3705


2 665

99

1

Race

PRÆFATIO
AD LECTOREM BENEVOLUM.

 Um deliberaremus de argumento disputationis, epistola abs Viro inter Eruditos eminente citra opinionem ad nos data est, in qua duo simul argumēta nobis commendabantur, è quibus hoc selegimus primum, non defuturi tamen cū Deo ac die alteri. Quemadmodū vero argumentum nostrū tale est, quod Scriptores pauci attigerunt, quinimo unicus saltem est, qui hāc materiā orbi literato in peculiari tractatu & ex professo exhibuit, nempe *Doctiss. Joan. Hoornbeekius*, qui Examen Bullæ Urbani VIII Pontificis Rom. contra Jesuitissas instituit, idque una cum bullis ejusdem Pontificis *de Imaginibus deque Festis*, Ultrajecti 1653 publici fecit juris, cui Examine præmisit unā Bullam papalem sub tit. *D. Urbani divina Providentia Papæ VIII suppressio pratensis Congregationis Jesuitissarum, juxta exemplar Bruxellæ impressum 1631*. Quam quoq; bullam ut typis impressā Romæ è typographia Rev. Cameræ Apostolicæ 1632 *Francisc. Roales* suæ actioni hæresis in societate Jesu inseruit, quæ videre est in *Alphonfi de Vargas relatione de Stratum gematis Jesuitarum* p. 175. Apposuit eandē D. Matthias Zimmermannus suo *Comment. de Presbyteriis Vet. Eccl. post S. 53. p. m. 83*. Sed celeb. Hóornbeekio multum debemus. Judicamus enim & nos, esse benignum & plenum ingenui pudoris, fateri per quos profeceris, ut Plinius ex vero locutus est *Præf. ad Vespasian. p. 2*. Commendat quidem de hac materia celeb. *Lipenius in Bibl. Phil. p. 712. Censuram sedis Apostolicæ adversus sectam mulierum Jesuitissarum Friburgi Helvetiorum à Jesuitis olim introductam*, quæ Francof. 1636 impressa typis extitit, sed hujus Censuræ copiam nec ullus facere nobis potuit, ut taceamus Autores adhuc certos, quos ceu rariores adire minus licuit. Licet itaque nobis in hoc scribendi genere varii Autores non succurrant, tamen ab instituto hoc desistere noluimus, cum in arduis saltim & voluisse etiam satis sit. Faxit feliciter Deus!

Contenta

Omnium Paragrophorum.

- §. 1. *Vocabulum Jesuita circa etymologiam evolvitur.*
2. *Vocabulum Jesuitissa abs Jesuita derivari demonstratur.*
3. *Synonyma Jesuitissarum proferuntur.*
4. *Ingeniorum lusus de vocabulo Jesuita.*
5. *Ostenditur nomen utrumque tum Jesuita, tum Jesuitissa esse affectatum.*
6. *Esse nomen ambitiosum.*
7. *Esse nomen apparenter speciosum.*
8. *Esse nomen satis notum.*
9. *Esse nomen schismaticum.*
10. *Esse nomen injuriosum.*
11. *De Autore totius Sectæ agitur.*
12. *Fundatrix Jesuitissarum producitur.*
13. *Queritur, an Jesuitissæ ad id vivendi genus, cui se adstringere volebant, fuissent idoneæ?*
14. *Qualitas, qua debuissent esse exornatæ.*
15. *Recensentur Exempla mulierum, quæ in Ecclesia docuerunt, & quæ forsitan Jesuitissis fuerunt incitamento.*
16. *Conceditur Jesuitissis Eruditio, sed exinde fluere docendi munus denegatur.*
17. *Opponitur: Mulieres viris esse religiosiores.*
18. *Reponitur: Esse etiam ad superstitionem & in hæreses propensiores.*
19. *Jesuitissæ convinci potuerunt ex abrogatione Presbyterarum primitivæ Ecclesiæ.*
20. *Adducitur Jesuitissarum doctrina præprimis catechetica.*
21. *Doctrina de sacra Scriptura.*

- §. 22. Refertur Symbolum Jesuiticum, quo nititur Theologia Jesuitica.
23. Theologia moralis Jesuitica in Exemplis exhibetur.
24. Cui annectuntur Jesuitica equivocationes & reservationes mentales.
25. Ubi fuerunt Jesuitissæ?
26. Quomodo se gesserunt?
27. Rationes papales suppressionis Jesuitissarum.
28. Admonitiones papales non curarunt.
29. Urbanus VIII ad suppressionem ipsarum progressus est.
30. Dantur adhuc hodie Jesuitissæ.
31. Occasiones, quæ ipsis dantur, ut Jesuitico Ordini devoteant.
32. Jesuitissæ differunt à cæteris Monialibus ratione Originis.
33. Ratione formæ, de voto paupertatis.
34. Quomodo exercent hoc votum.
35. Simulant Paupertatem.
36. De voto castitatis.
37. De Jesuitissarum castitate speciatim.
38. De voto Obedientia.
39. Quarto voto se certo modo etiam adstringunt.
40. Differunt à cæteris Cloppis ratione vestitus.
41. Ratione morum & gestuum.
42. De interitu totius Societatis differitur.
43. Tandem concluditur.



DE Jesuitissis nunc nobis differentibus ante omnia incumbit etymologice demonstrare Origenem hujus denominationis, quam in vocabulo *Jesuita* proxime, remote autem, in optimi Sospitatoris nomine *Jesu* ipsi hujus societatis Autores quæsiwerunt, seque nominavere *Quasi Socios Jesu*. Licet alii quidem putent mutuo sumtum esse hoc nomen abs Jesuatis, quorum Autores *Columbanus & Franciscus Vincentius* in Italia erant circa annum 1366, quem ordinem confirmavit Urbanus V, & ex hac ratione visi sint denominati, quia nomen Jesu frequentius haberent in ore vid. Hoornbeekius *Exam. Bullæ p. m. 16.* De quibus Jesuatis Sabellicus scripsit, quod collecti fuerint ab initio domesticatim simplici habitu amicti, multa Innocentia & pietate Viri, victum sibi labore & opera quaritantes, Apostolici ab initio Clerici nuncupati, vid. Martinus Chemnitius in *delineatione originis Jesuitarum, quam præmisit præcipuis capitibus eorundem, quæ Rupellæ 1584. typis impressa sunt Tom. I. p. I.* Sed abs ipso Jesu Salvatore peti hanc denominationem rectius putatur, ita enim a Paulo V. Pontifice hæc denominatio in ipsa bulla Jesuitarum confirmata fuit his verbis: *Societas, quam Jesu nomine insigniri cupimus, quam bullam inseruit insimul Hoornbeekius examini suo & legi hæc verba possunt p. m. 19. confirmat id & Thuanus, maximus ille historiæ Conditor lib. 37. p. 691. ubi recenset: Ignatium vidisse Deum patrem, quo viso tunc societatem suam hoc titulo exornasse, memorant, inquit Thuanus, qui Ignatii acta scripsere, Deum Patrem visum, qui Jesu filio crucem bajulanti & crudelissimis affecto cruciatibus ipsum Ignatium, ac socios commendaret & se iis Roma propitium fore ultro reciperet. Atque inde Ignatium postea societati a se institutæ Jesus nomen indidisse;* Eandem sententiam defendit *Joannes Petrus Massæus lib. II. c. 5.* ubi vitam Ignatii descripsit prolixius, quem etiam citat *Hospinianus de Origine Jesuitarum c. 2. p. 14.* Ideoque sese vocant adhuc hodie *e societate Jesu*, quia præ cæteris Pontificiorum ordinibus nomen, doctrinam & honorem Jesu capebant & propagent. Annibal Cadretus, *Jesuita*, dicitur in libello quodam Lugduni impresso expresse scripsisse,

societatem Jesuiticam suum inde habere nomen, quoniam a DEO adsciti sint contubernales datique filio ejus Jesu Christo, qui ipsos individuo suo sibi assumserit. vid. Wolffius in *Lectionibus memorabilibus* Centen. XVI. p. 1080. In Gallia a vulgo hinc inde Jesuistas ut & Jesuitas esse nominatos, quem titulum in specie deberent Advocatis in controversia, quam cum Academia Parisiensi Anno 1564. habuissent, imprimis *Carolo Molinæo*, Jcto nominatissimo in consilio de *Receptione Jesuitarum*, in regnum Gallia, memorat *Hospiannus de Orig. Jesuitarum* p. 18.

§. II. Vocabulum *Jesuitissa* a voce *Jesuita* omnino originem trahit connotatque nomen sexui sequiori attributum, quod ordini huic muliebri ex hac ratione competit, quia Jesuitarum vestigiis inhærere juxtaque ipsorum Ordinem, regulas ac consuetudines vivere se obligent; quemadmodum abs aliis Officii ac dignitatis nominibus sexus sequior alias participat v. g. Decanissa à Decano, Presbyterissa a Presbytero, Diaconissa a Diacono. Equidem in Protestantium Ecclesiis tali denominatione tantum frui licet his foeminis, quæ in matrimonio vitam degunt ac maritorum nominibus honorificis afficiuntur; Ast in Pontificiorum Ecclesia ordines foeminei sibi sumunt prædicatum, juxta quorum Religiosorum Instituta Pontifici Romano velificantur. Hodie quidem foeminæ in nominata Ecclesia non adeo diversis titulis & prædicatis superbiunt, sed dicuntur uno verbo *Religiosæ* seu *Nonnae*, ab antiquo vocabulo *Nonnus*, quod in ægypto olim fuisse frequentissimum dicitur & sumtum esse pro viduis fugientibus conjugium, & sic *Edessenum* Episcopum, *Nonnum* fuisse nominatum & *Matrem* Gregorii Nazianzeni *Nonnam* confirmat Baronius in *martyrologio Romano* de isto ad d. 2. Decembris p. 505. de hac autem ad d. 5. Augusti p. 327. At vocabulum *Nonnus* hodie non æque sexui masculino attribuitur, sed usurpatur nomen *Mönch*/græcè *μοναχὸς* à *μονάζειν* solus vivere & latine *Monachus* seu *solitarius*, ac foeminino, quod nostro Idiomati reliquum est: *Nonne*; alibi etiam & apud Pontificios usitatus *Kloster Jungfer*.

§. III. Quod autem Synonyma Jesuitissarum in specie concernit, reperimus hinc inde unum alterumve; Ita enim *Pias* Itali, *devotas* Galli, *beatas* Hispani easdem vocarunt quondam, quia vitam viverent præ cæteris sedulam, modestam & accuratam; sed hic obtinet Proverbium: *Graculus graculo affidet*, religiosas enim suas religioni pontificiæ addicti nunquam contemnent ipsi; aliter sonat apud Belgas,

gas, qui easdem nominarunt *Düsters/ Quesels/ Queselen/ Klopp/ Kloppen/* ultrajecti in specie *Paters/ Kloppen*. Rationem denominationis derivant exinde, quod nomen *Quesels* sive *Kloppen* idem sit ac latinis *pulsantes* seu *pulsatrices*, & ex hac ratione sic dictas volunt, quia continuis precum & virtutum exercitiis divinas pulsant aures. Alii vero originem ducunt ab inquirendis persæpe pulsandisve Sacerdotum. Clericorum & Confessariorum habitaculis. Sed vocem belgicam *Quesels* aliter interpretari possumus, suam enim originem ducit a verbo *Queseln* aut *Queselbollen/* quod Latini vertunt *nugas agere, nugæ serio tractare*, unde *Queselinge* significat *nugas, quisquilias*, quæ significatio in Jesuitissas non male quadrat, circumeunt enim otiosæ ejusmodi & curiosæ mulierculæ garrularum instar, domos hinc inde quasi pervolitantes, quisquiliasque nugas ac opiniones suas jesuiticas spargunt contra I. Tim. V. v. 13. vide *Querelas Jansenistarum* aut *Lovanienfium* de ejusmodi mulierculis in *anonymo libello gallico: Réponse d'un Ecclesiastique du Louvain c. 14.* in quem quidem in præsentiarum introspicere nobis non licuit. conf. Gisbertus Voëtius *Polit. Eccles. Part. II. Lib. I. tract. 4. de mulieribus* cap. 2. p. 209. & *lib. IV. tract. IV. c. 9. p. 1012. & 1013.*

§. IV. Sed maxime infelices fuerunt focii & focia affectato hoc Jesu nomine, sic enim & ab origine ipsorum lusum statim fuit cum eodem, ita fuerunt, qui ex historiis V. T. *μακρονομαστας* quæsiiverunt & eisdem dixerunt Jesu vitas quasi Esavitas vel Jebusitas; quod quidem comparatio inter hos & Jesuitas non difficulter institui queat, quæ ipsorum fraudibus respondeat, nostrum tunc non est ulterius inquirere; Ex Germanica lingua rationem notationis posse commodius & melius inveniri, quia debeant esse Germanorum Apostoli, putat Wolffius in *Lect. memorab. centen. 16. p. 497.* sic etiam apud nos dicuntur *Jesuwiter/* quasi *Jesu wieder/* rarus enim non est inter t, & d, Symbolismus. Patebit inferius in ipsorum doctrinis satis superque, nec ullum in his prædicatis factam esse ipsis injuriam, quia alias nomina interdum sunt fatalia, ut cecinit ille Poëta:

Conveniunt satis nomina sæpe suis.

§. V. Est itaque titulus uterque tum *Jesuita*, tum *Jesuitissa* nomen satis affectatum, sibi enim persvadebant se nomen, doctrinam ac honorem præ cæteris Pontificiorum religiosis omnibus propagasse
ma-

magis & adhuc propagare, ideo jure quasi videri volebant *nomen* affectando *super omne nomen, in quo omne genu se flectat cœlestium, terrestrium & inferorum. Phil. II, 10.* Videmus exinde affectus tantorum virorum in titulo affectato. Quodsi Jesu Ministri esse voluissent, tunc se ita humiliare necessum habuissent, ut non alio ac servorum titulo fuissent contenti, id satis judicavit Academia Parisiensis, novam enim hanc societatem admisit & sub hac lege approbavit, ut aliud assumeret nomen, vid. Thuanus *lib. 37. p. 692.* mirum satis est, ut totum *Jesu* nomen affectatum non servarint ac *Jesus* se nominarint; O humiles Christi servi servæque, superbientes summi ipsius Principis titulo! nonne sufficeret, ut nominarentur Christiani? unctionis enim in baptismo participes & ipsi facti sunt, nomenque Jesu Salvatori optimo proprium relinquerent, usque dum in vita altera, qui ex ipsorum ordine hanc introirent, titulo *Jesuitæ* exornarentur; Ita Ludolphus Carthusianus in libello de vita Christi ante 300, & quod excurrit, annos scripisse dicitur: *Christus est nomen gratiæ, Jesus est nomen gloriæ, honoris & sanctitatis; Sicut enim in hac vita per gratiam, baptismi Christi dicimur Christiani, sic in cœlesti gloria in Domino Jesu dicemur Jesuitæ, id est, a Salvatore salvati; sancti, qui in cœlis sunt & fruuntur æterna gloria, veri sunt Jesuitæ, triumphantes & sancti servi DEI.* vid. Lucius Hist. *Jesuit. L. I. c. 2. p. 11.* conf. Philadelphi de novo La-
cu *Epistola & discursus de modernis Jesuitarum moribus p. 24.*

§. VI. *Jesuita*, ut & *Jesuitissa* est nomen ambitiosum, quid enim Dn. Patres aliud hoc nomine quæsiere ac summam ambitionem, & ex hac ratione Stephanus Paschasius societatem Jesu appellavit *ambitosam fucatæque Religionis plenam*, cum pro Academia parisiensi contra Jesuitas disseruit inque hoc ambitiosum plane nomen investus est valde, quod cum Sectarii alii ante 200 annos usurpassent, ab Ecclesia rejecti periissent. vid. Thuanus *Lib. 37. p. 693.* quinimo hi non tantum, sed & aliorum Pontificiorum nonnulli *Jesuitæ* titulum tanquam ambitionis & arrogantia plenum rejecerunt, ut testem hujus rei *Eustatium Bellajum*, Episcopum Parisiensem in sua censura de Jesuitis, quam dedit Anno 1554. nomine totius Collegii Theologorum Sorbonnensis, citavit Magnif. Dn. D. Mayerus loco *Coroll. primo in Dissert. de conventu Apostolorum ad mortem Mariæ hab. hic Lipsiæ Anno 1671.* cujus Episcopi de ambitioso nomine sententiam ulterius deducit Thuanus lib. cit. p. 692. *sententia ipsius, inquit, quam scriptis mandavit, imprimis Je-*

suitarum nomen ut arrogantia plenum improbat, quippe cum ita solis sibi tribuant, quod Ecclesie catholica competat, quæ proprie fidelium Congregatio dici potest, cujus caput est Christus, cum hoc nomen solis sibi sumunt & hoc dicere videntur: se solos Ecclesiam constituere. Quam sententiam Episcopus nominatus in Synodo gallicana, habita d. 15. Decembris Anno 1561. jussu ac mandato Regis Possiacum manu scriptam, misit, quæ etiam a toto conventu Ecclesiastico maximopere fuit approbata. vid. Der Jesuiten Christenthum und Lebenswandel p. 106. & Lucii Hist. Jesuit. L. I. c. 3. p. 11. Dicitur quidem in Pauli III. Pontificis Bulla tertia Anno 1549. promulgata, nullum e societate ad ullam dignitatem admitti debere, si eam occulta aut manifesta ambitione quaesivisse convincatur, vide Literas Apostolicas pro confirmatione societatis Jesu Romæ Anno 1578. editas p. 30. (quem libellum a Cesare Lucatello, Cancellario tunc temporis Romano in originali propria manu subscriptum & sigillo suo approbatum nobis communicavit unus e paucis Amicorum certissimus.) De muneribus & aliis eorum gestis nunc nihil hic referemus; tantum de nomine ambitioso sumus solliciti, unde judicari potest, quò modo quæveque ambitione officia publica quærant & consequantur. Sic etiam non ignotum est, quod ceteros Religiosos habeant despectui solique honoribus excrecere ambiant; Inimici sunt cæterorum Ordinum omnium, imo hostes ac Osores, quin eosdem variis Convitiis ac scommatibus affligunt asinosque nominare non erubescunt, vid. Philadelphi de novo Lacu Epist. & Disc. supra cit. p. 7. & 8. ubi refertur Ignatius S. Franciscum Borgiam, adhuc novitium severè monuisse, ut de jejuniis & nimis verberationibus aliquid remitteret, hanc addendo rationem: Illud Animal, super quod Christus sedere debeat, non esse per istiusmodi durissimas corporis Castigationes occidendum. Jam autem Christus super asinum sedisse legitur Matth. 21. s. 7. ideoque Ignatium ex pura humilitate socios suos comparare asinis pie voluisse patet, citatur insimul vita S. Francisci Borgie ex Ital. lingua in german. translata.

S. VII. *Jesuita & Jesuitissa* apparent quidem ut nomina satis speciosa, videntur enim Dn. Fratres & Sorores ex peculiari quâdam sanctitate assumisse, nilque nisi Jesu acceptissima proferre inque vita sua dulcissimum Jesu nomen cum primis profiteri velle; sed doctrinæ & facta aliud loquuntur, de quibus videri possunt *acta Parlamenti*

Paris. contra Jesuit. cit. a Jo. Wolffg. Jagero Histor. Eccl. decennio II. c. 4. p. 25.

S. VIII. *Jesuita* & *Jesuitissa* sunt nomina apud multos famosa. Quo enim æstimio habetur Jesuita in ipsis regionibus romano-catholicis v. g. in Gallia, ubi multoties nomen Jesuiticum damnatum fuit atq; extinctum, de quo pluribus videre est Alphonsus de Vargas in *Relat. de Stratagematis Jesuitarum p. 146.* Quid quæso hinc inde in Italia, sede romano-catholica de ipsis judicatur? Apud Venetos præprimis nomen hoc celebratur parum, imo ipsis inhabitantes extenuare se tenentur, ni suam societatem e Venetorum ditionibus iterum, iterumque extirpatam velint videre, ut Anno 1606 ipsis evenit cum epiphonemate: *Ite, auferte nihil & nunquam redite.* Quid quæso de istis Poloni sentiunt? in quorum regionibus nemo ex societate Jesu exceptis paucis, toleratur. v. *Querelas Polonorum de Jesuitis in Lucii Historia Jesuit. passim.*

S. IX. Sunt *Jesuitissa* ut & *Jesuita* nomina omnino Schismaticæ, quemadmodum enim Deus veram Unitatem & concordiam Ecclesiæ suæ maximopere commendavit, ita quoq; ipsius consilio ac voluntate factum est, ut unico nomine *Christiani* vocaremur omnes ac singuli, quo Apostoli Antiochiæ primum cognominati sunt *Act. II. 26.* ideoque etiam hæc appellatio velut vinculum quoddam est ac sacramentum unitatis illius, quo Religionis Christianæ professio obsignata est, qui vero sibi aliam asciscit appellationem, is omnino unitatis vinculum veræque fidei tesseram dissolvit juxta dictum Pauli I. Cor. I, 12. 13. *conf. Lucius lib. I. Hist. Jes. c. 2. p. 10.* *Jesuitas* autem & *Jesuitissas* tales nunc esse patet, non enim tantum nomine hoc alieno præ cæteris Religiosis superbiunt, sed maximopere abs iisdem differunt, imo rixantur plus vice simplici inter se invicem, isti enim hos, hique vero istos odio prosequuntur, sunt hæc omnino signa schismatis non exigui, & sic ex recens fabricata hac appellatione toti sectæ schismatis nota manifeste innuit, adeo & hoc pacto criminis rei fiunt socii, vid. *Hospinian. lib. de Orig. Jesuit. p. 15.* Quapropter etiam ipsis titulum *Jesuita* seu *e societate Jesu* in Gallia Anno 1564. assumere prohibitum fuit, quo tamen non obstante nomen illicitum, & schismaticum usurpare ac se insuper omni potestati tam seculari quam ecclesiasticæ eximere voluerunt. vid. cit. Autor *lib. de propag. Jesuit. p. 160.* namque

nil aliud hoc nomine intendant, nisi ut inter ejusdem religionis suæ Professores forment scissuram & Jesuitæ alii sint, alii Christiani, certius certo est.

§. X. Sunt denique nomina quasi blasphema & injuriosa; certe enim, quisquis etiam bonorum sit, non ibit inficias, istos, qui se *Jesuitas* autē *societate Jesu*, aut *Jesuitissas* appellant, hisce titulis blasphemæ uti contra Dominum Jesum, hanc enim involvit apud omnes opinionem, ac si Jesus eosdem ceu socios et Collegas sibi ascivisset, ut *Anfib. Cadretum*, §. 7. jactasse §. 1. statim citavimus. Sic quoque injurii fiunt in alios veros ac genuinos Christianos, hos enim considerant ceu excludendos tandem regno gloriæ, sibi autem solis beata æternitate in Jesu esse perfruendum, vid. Lucius *Hist. Jes. Lib. I. c. 3. p. 11.*

§. XII. Quis vero Autor totius sectæ Jesuiticæ? Quamvis Jesuitissarum fundatricem tantum inducere hic malimus, non possumus tamen Ducem & Autorem totius ordinis sicco præterire pede, licet expediendum hic nobis sit brevibus. Est videlicet Eruditissimus iste *Ignatius Loyola*, Cantaber Hispanus. *Salmanasser*, Jesuita, Neapolitanus confessus est de ipso: *Loyolam natura fuisse ferocem, durum ac truculentum*, adeoque militiæ aptus non parum visus est, at in epigraphe effigiei suæ inciso dicitur: *Miles vanis jactatus in armis*. vid. *Hafenmüllerus Hist. Ord. Jesuit. a Leporino in linguam german. transl. c. 1. p. 4.* Et ita militem non infimum agebat quidem, at infelicem maximè unà arcem prope Pampelonam in Navarra hispanica, adeo ut crus dextrum ipsi frangeretur ictu bombardæ. Loquitur *Thuanus* de membrorum mutilatione *Lib. 37. p. 691.* ubi forsitan singularem ejusmodi vult intelligi, quæ inire matrimonium interdicat, judicamus forte ex eo, quod restitutus quidem claudicans tamen sese in aulam gallicam reciperet, ibidemque forte ludibrio sæpius risuique expositus è tædio vexationum sermonumque jocosorum vitam aulicam mutare cum religiosa penes se constituit. Primum quidem contulit sese Venetias ad exsolvendum votum quoddam, deinceps Hierosolymam ex singulari devotione annos natum sex & viginti omnia relinquendo esse profectum, confirmat *Doctissimus Alexander Rossæus lib. der ganzen Welt Religionen p. 411.* negat id autem *Thuanus lib. & p. cit. Loyola*, inquit, *inde mox Venetias ad exsolven-*
dum

*dum votum profectus est, ibique primum sacris initiatus literis, collectis
 hac illuc dispersis sociis, omisso hierosolymam proficiscendi consilio Ro-
 mam cum Fabro & Laine petit, cui etiam magis esse consentiendum pu-
 tamus. Deinde literis incubuit Compluti & Salamantiae, sensimque
 ausus est mortificationem carnis tum doctrina tum vestitu suo conci-
 onari, licet nec ipse idoneus nec vocatus esset ad concionandi munus,
 & ex hac ratione Inquisitores Hispanici ab eo expiscabantur; Cum au-
 tem zelum pro fide Romano-catholica in ipso cognoscerent, dimissus
 iterum ab eis petiit Lutetias Parisiorum, ubi per decem annos docuit
 in summa paupertate corporisque debilitate, tandem creatus est Phi-
 losophiae Magister ibidem conf. cit. *Rossæus pag. cit.* laudatur exinde
 Ignatius ob suam constantiam virtutemque heroicam, quam in adver-
 sis præstiterit, abs *Philip. Algeambe: Ignatius, inquit, adversus graves
 multorum oppugnationes invictus semper stetit, semperque stabit aucto-
 ritate sacrosanctæ sedis Apostolicæ atque approbatione munitus* vid.
 ipsius *Bibliotheca scriptorum societatis Jesu p. I.* Profectus est tandem
 Anno 1536. Hispaniam cum decem suis collegis & abhinc iterum Ro-
 mam petiturus veniam abs Pontifice; Cum autem compertus est pa-
 cem inter Venetos & Turcam esse fractam, profectus est iterum Ve-
 netias, ubi egit Chirurgum vulneraque Pauperum & ulcera catapla-
 smatibus in nosotochiis sanavit, cumque Collegis omnem adhibuit
 operam & sollicitudinem in ægrorum morbis curandis, vulneribus o-
 bligandis, molestaque gravi ac putida sanie abstergenda, conf. *Wof-
 sius Lect. memor. Tom. II. Centen. 16. p. 494.* Reversus iterum cum con-
 fortibus Romam, ubi omnes ac singuli Religiosorum ac Clericorum in-
 fensis atque iratis animis iverunt in ipsum, præsertim *Bartholomæus
 Guidicius, Cardinalis*, qui novis Religionibus non adeo amicus erat.
 conf. *Thuan. Lib. 37. p. 691* Crescebat tamen indies magis magisque
 societas & confirmabat eandem *Paulus III. Pontif. Rom.* approbabant
 denique ejus Successores *Julius III. Paulus IV. Pius IV.* tandem *Con-
 cilium Tridentinum.* Et sic Vir magnus evasit Ignatius, miles Hi-
 spanus, Theologus Romanus, Chirurgus Venetus, Autor tandem
 & Dux Jesuitarum maximus! Applicare dictum quoddam e sacris li-
 teris petitem Viro huic magni scil. nominis conati sunt nonnulli ex
 societate heroës, *Valderana* imprimis atque *Deza*, ubi iste statim in
 frontispicio *Epistola ad Hebræos* Ignatii sui mentionem vult esse fa-*

Etiam, nempe c. 1. v. 1. 2. *Deus novissimis hisce temporibus loquutus est per filium suum Ignatium, quem constituit heredem omnium.* vide. Hoörnbeckii *Exam. Bullæ p. m. 44.* ubi iudicium suum dictus Autor adponit: Nihil deesse ad laudis istius fastigium præter ultima verba. v. 2. *per quem & sæcula fecit.* Sed spuriam & blasphemam scripturam S. Eplicationem esse, quis negabit. Ita ex ore Patrum horum patet, Ignatium fuisse virum admodum virtuosum; Quodsi verò quæramus, ex qua virtute omnia præstiterit, an ex DEI? ex carnis? an ex alterius Spiritus? Hic respondeat Ant. Arnoldus Ictus Gall: ita enim de societate tota recens procreata iudicat: *Ignatium auxilio maligni spiritus incubatuz, exclusisse maledictam istam conjurationem Jesuitarum* vid. in *Philippica sua p. 24.* quinimo contestantur ipsi e societate nonnulli, rem cum Ignatio se ita habuisse; Volunt quidem ipsum etiam placide defunctum, sed alium cantavit de ipso canticum *Turrianus*, de quo refert Hasenmüllerus: *Turrianus Jesuita mihi notissimus sæpe dixit: Illum (Ignatium) in cæna, prandio, missa, in recreationibus etiam ita a demonibus exagitatum fuisse, ut in magna copia frigidissimum mortis sudorem fuderit: Bobadilla dixit: illum sæpius conquestum se nunquã & nullibi a Demonibus tutum esse posse.* Idem *Turrianus* dixit: *Ipsius Comitem assiduum usq; ad missæ aram fuisse demonem.* Tandem vero cum tremore ipsum obiisse, mortuumq; nigerrimo vultu conspectum esse. Idem affirmavit. Cum anno 1554. ipsius corpus ad templum ab *Alexandro Farnesio* extractum transferre vellent, testibus omnibus Jesuitarum professis, ipsius Cadaveris ossa non sunt inventa: fingentibus ipsis, ea esse per Angelos forsitan translata, quod ego non negaverim, si angelos malos intelligant. vid. *Wolffius Lect. memor: quæ ibidem ex Hasenmülleri historia Ord. Jes. recenset Centen. 16. p. 1075.*

S. XII. Quemadmodum vero sexus sequior in multis affectatur nimium, ita profecto in his rebus, quæ ad sexum masculinum spectant cumprimis, quin si novi quid accidit forsitan inter Eruditos, hæc il-
lave æmulari statim cupit. Hodie quidem apud nostrates adstrictæ sunt, ut in ecclesiasticis rebus tentare quid vix ac ne vix quidem possint; Ast non ita apud Pontificios, dantur enim inter eos religiosarum foeminarum ordines per plures, quibus licitum est cultui inservire divino, sic etiam *Elisabetta Rosella*, religiosa mulier ejus fuit intentio-
nis maximopere, ut imitaretur Ignatium suum; nam hæc in genere
Jesui-

Jesuitissarum Fundatrix creditur abs omnibus, Thuano *Lib. 37. p. 697.*
Hoorbeckio *Exam. Bullæ* p. m. 32. Matthiæ Zimmermanno in *commentariolo de Presbyteriis V. Ecclesiæ* §. 59. p. 93. Hæc initio fovit studia Ignatii Barcinone, deinceps cum certior facta esset de ordinis Ignatiani confirmatione & simul absque dubio audiverit de paterno affectu, quo prosequeretur Pontifex *Paulus III.* Ignatium, cum ipse & Collegæ sui in bulla dicerentur: *Spiritu S. ut pie creditur, afflati.* vid. *Lit. Apostol. supra cit. p. 2.* Hoorbeck. *Exam. Bullæ* p. 12. sine dubio & ipsi *Rosella* increvit tumor, Spirituque S. afflatam se etiam voluit, quia in schola ad Ignatii pedes federit. Profecta itaque est Romam cum aliquot sui generis mulierculis fortassis circa Annum 1540. quo Ignatius suam acceptarat confirmationem, aut sequenti tamen anno post, veniebat ad normam & præscriptū sodalitatis nunc approbatæ victuræ; At Ignatius suam erga discipulam benignum adeo se non exhibuit; Equidem *Rosella* totam se Ignatio dedere nec non concedere juxtaque ipsius Constitutiones ac regulas religiose cum suis vivere studuit, adeo ne alium Ducem vellet agnoscere quam Ignatium, sed hic erat admodum ingratus in *Rosellam*, id enim detrectavit, vid. Thuanus l. cit. p. cit. Ignatius, inquit, *curam se foeminarum suscipere negavit, posse, & tandem a Pontifice impetravit, ut societati, quæ se ad omnium gentium beneficium sine ulla regionum aut temporum exceptione Vicario Christi mancipasset, ab ejusmodi munere vacatio daretur, ita in speciem omni ambitionis & divitiarum suspicione a novo Ordine amota.* Erat etiam Cura mulierum Jesuitarum constitutionibus ac Regulis expresse contraria, adeo Ignatius sine dubio verebatur, si statim sub initium confirmationis exceptionem de admittendis mulieribus annectere suis regulis vellet, ne tota societatis caterva caderet inque nihilum reduceretur, ideoque persistebat juxta Regulæ tenorem, *de cura mulierum cap. 7. de Rectore*, quæ Jesuitarum regulæ Lugduni conjunctim, typis impressæ Anno 1607. vid. quæ huc facit, Reg. 68. p. 102. *Non permittat, ut nostri curam mulierum religiosarum suscipiant, & aliarum quarumq; ut ordinarie illarum confessiones audiant, vel ipsas regant, quamvis nihil repugnet aliquando apud eas concionari, semel aut unius monasterii confessiones speciales ob causas audire; quod tamen non fiet nisi postulent ii, qui eis præsunt.* it. Reg. 70. p. 103. *Mulieres invisere, aut ad eas scribere, nisi in necessitate, aut cum spe magni fructus,*

Etus, nostros non sinat, nec hoc quidem permittat, nisi viris valde probatis & prudentibus. Reg. 71. pag. ead. Non permittat fœminas collegium nostrum ingredi.

§. XIII. Quodsi autem hic muliebris ordo abs Ignatio fuisset receptus, quæritur, an Jesuitissæ fuissent idoneæ ad id vivendi genus, quod Jesuitæ vivunt? respondetur quod non. Nam si sancti Patres regulas suas ac leges conditas servare non possunt, multo minus sanctæ matres, quæ cum toto sexu sequiori ad *vasa infirmiora* pertinent *1. Pet. III, 7.* videatur saltim, quid Paulus III. in *Bulla Jesuitica* abs Candidato ordinis hujus requirat, vid. *Lit. Apost. supra cit. p. 5.* quod & Julius III. in *Bulla Jesuit. I. lib. cit. p. 56.* non leviter repetat: *Qui ad nos accessuri sunt, antequam huic Oneri humerum supponant, diu multumq; meditentur, an tantum pecuniæ spiritualis in bonis habeant, ut turrim hanc juxta consilium Dominicum possint consummare, hoc est, an Spiritus S. qui illos impellit, tantum illis gratiæ polliceatur, ut hujus vocationis pondus, illo adjuvante, se laturos sperent: & postquam Domino inspirante, huic Jesu Christi militiæ nomen dederint, diu notuq; succincti lumbos & ad tam grandis debiti solutionem prompti esse debebunt.* Multum sane his continetur verbis, quod præstare dictis Patribus difficillimum est, adeoque etiam matribus. Expendamus modo *votum castitatis*, cui Jesuitissæ se etiam adstrinxerunt; an existunt idoneæ, votum istud, ut decet, juste persolvere? audiamus saltim Hospinianum, qui citat *Plinium* de fœminis differentem: *Quod copia libidinis gaudeant, applicat monachis virginibus, sic de monialibus certum est, paucas esse quæ continentiam præsent, sed plerasque in cœno nefandissimarum libidinum sese subinde volutare. lib. I. de Orig. Monachatus c. 1. p. 6.* & quamvis polliceantur se futuras admodum castas, tamen bene servandum, quid Virgilius *Lib. 4. Æneid.* objicit:

- - *Varium & mutabile semper*

Fœmina

§. XIV. Quod cæteras concernit virtutes, quæ abs Jesuitissis requisitæ essent, prima omnino fuerit *literarum notitia* seu *Eruditio* *qualiscunque*, quodsi enim Jesuitarum vestigiis inhærere voluissent, muneri docendi sine dubio sese applicassent; Equidem impossibile neutiquam est, ut etiam fœminæ queant erudiri, rationes congeffit non unas literatissima Virgo *Anna Maria a Schuerman* quas *opusculis suis* inferuit

seruit *p. 29. seq.* Data quoque alias sunt foeminae perplures erudita, quarum Exempla videre sunt plurima in Hottingeri *Epistola dedicata* *Parti V. Historiae Eccles. prefixa*, ubi imprimis *Fabiola*, romana mulier memoratur, quod sacras literas impense amaverit; it. *Marcella Romana*, quae propter sacras literas, quas egregie calluit, frequentius a D. Hieronymo epistolis salutata sit, it. *Anna Askeve*, quae vitam non modo seriae & sedulae sacrarum literarum tractationi impenderit, sed eandem quoque constantissimo martyrio annos 25. nata genereose consummaverit. Plura inveniuntur in *Dissert. de foeminarum Eruditione*, quam habuit B. Dn. Jacobus Thomaeus Anno 1671.

S. XV. Et si quispiam docendi munus dubium reddere *Jesuitiss* voluisset, provocare omnino potuissent ad Exempla primitivae Ecclesiae, recenset talia Zimmermannus *l. cit.* passim, Centuriae itidem Magdeburgenses; Quinimo Diaconissas olim legere Homiliam consuevisse inter mulieres in Ecclesia, Zimmerm. *lib. cit.* S. 9. p. 14. & ita mulieribus docere olim fuisse licitum, comprobat Thomas d Aquino *Comment. in 1. Tim. 3. lect. 2. p. 199.* & Ambrosius in eundem locum p. 403. qui de *Cataphrygis* perhibent, putasse, quod mulieres seu Diaconae ordinari possent, quoniam Apostolus *l. c.* immediate post Diaconos de mulieribus ageret. Sic *Jesuitiss* etiam exempla mulierum prophetantium & praedicantium pro se allegare potuissent. Sane primae etiam non erant, quae de tali religiosarum ordine cogitarunt, floruit ante ipsas talis in gallia praecipue Anno 1523. cujus mulierculae vocatae sunt *Begvinae*, de quarum fundatrice lectiones quidem variant, vid. Hoornbeckius *Exam. Bullae p. 13. & 14.* it. Centuriatores Magdeb. *Cent. 13. c. 5. de haeresibus p. 564. & c. 6. de Ceremoniis p. 653. seq.* Alex. Rossius in *Religionen der ganzen Welt p. 286.* desuit denique Ordo hic inque earum locum successerunt *Sorores tertii Ordinis S. Francisci*, quibus quoque ipsarum aedes & collegia traditae sunt. vid. Zimmermann. *de Presbyteriss.* S. 57. p. 92. Omnia nunc prolata *Jesuitissas* ad continuandum religiosum institutum incitare potuerunt.

S. XVI. Quoad Eruditionem, quam & *Jesuitiss* potuissent haurire, res omnino bene se habet, non invidenda sunt, quibus mulierum Deus haec otia fecit, sed laudanda potius, commendanda & approbanda, & consentiendum omnino censemus Erycio Puteano, Belgae, in *Epist. 24. Attic. centen. 2. Epist. 97. ad Petrum Cantoniam, JCrum.*

Etus, nostros non sinat, nec hoc quidem permittat, nisi viris valde probatis & prudentibus. Reg. 71. pag. ead. Non permittat fœminas collegium nostrum ingredi.

§. XIII. Quodsi autem hic muliebris ordo abs Ignatio fuisset receptus, quæritur, an Jesuitissæ fuissent idoneæ ad id vivendi genus, quod Jesuitæ vivunt? respondetur quod non. Nam si sancti Patres regulas suas ac leges conditas servare non possunt, multo minus sanctæ matres, quæ cum toto sexu sequiori ad *vasa infirmiora* pertinent i. Pet. III, 7. videatur saltem, quid Paulus III. in *Bulla Jesuitica* abs Candidato ordinis hujus requirat, vid. *Lit. Apost. supra cit. p. 5.* quod & Julius III. in *Bulla Jesuit. I. lib. cit. p. 56.* non leviter repetat: *Qui ad nos accessuri sunt, antequam huic Oneri humerum supponant, diu multumq; meditentur, an tantum pecuniæ spiritualis in bonis habeant, ut turrin hanc juxta consilium Dominicum possint consummare, hoc est, an Spiritus S. qui illos impellit, tantum illis gratiæ polliceatur, ut hujus vocationis pondus, illo adjuvante, se laturos sperent: & postquam Domino inspirante, huic Jesu Christi militia nomen dederint, diu notug, succincti lumbos & ad tam grandis debiti solutionem prompti esse debebunt.* Multum sane his continetur verbis, quod præstare dictis Patribus difficillimum est, adeoque etiã matribus. Expendamus modo *votum castitatis*, cui Jesuitissæ se etiã adstrinxerunt; an existunt idoneæ, votum istud, ut decet, juste persolvere? audiamus saltem Hospinianum, qui citat *Plinium* de fœminis differentem: *Quod copia libidinis gaudeant, applicat monachis virginibus, sic de monialibus certum est, paucas esse quæ continentiam præstent, sed plerasque in cœno nefandissimarum libidinum sese subinde volutare.* lib. I. de Orig. Monachatus c. 1. p. 6. & quamvis polliceantur se futuras admodum castas, tamen bene servandum, quid *Virgilius Lib. 4. Æneid.* objicit:

- - Varium & mutabile semper

Fœmina

§. XIV. Quod cæteras concernit virtutes, quæ abs Jesuitissis requisitæ essent, prima omnino fuerit *literarum notitia* seu *Eruditio qualiscunque*, quodsi enim Jesuitarum vestigiis inhærere voluissent, muneri docendi sine dubio sese applicassent; Equidem impossibile ne utiquam est, ut etiam fœminæ queant erudiri, rationes congestit non una literatissima Virgo *Anna Maria a Schuerman* quas *opusculis suis* inseruit

seruit *p. 29. seq.* Data quoque alias sunt foeminae perplures erudita, quarum Exempla videre sunt plurima in Hottingeri *Epistola dedicatoria Parti V. Historia Eccles. praefixa*, ubi imprimis *Fabiola*, romana mulier memoratur, quod sacras literas impense amaverit; it. *Marcella Romana*, quae propter sacras literas, quas egregie calluit, frequentius a D. Hieronymo epistolis salutata sit, it. *Anna Askeve*, quae vitam non modo seriae & sedulae sacrarum literarum tractationi impenderit, sed eandem quoque constantissimo martyrio annos 25. nata genere consummaverit. Plura inveniuntur in *Dissert. de feminarum Eruditione*, quam habuit B. Dn. Jacobus Thomaeus Anno 1671.

§. XV. Et si quispiam docendi munus dubium reddere *Jesuitissis* voluisset, provocare omnino potuissent ad Exempla primitivae Ecclesiae, recenset talia Zimmermannus *l. cit.* passim, Centuriae itidem Magdeburgenses; Quinimo Diaconissas olim legere Homiliam consuevisse inter mulieres in Ecclesia, Zimmerm. *lib. cit.* §. 9. *p. 14.* & ita mulieribus docere olim fuisse licitum, comprobatur Thomas d' Aquino *Comment. in 1. Tim. 3. lett. 2. p. 199.* & Ambrosius in eundem locum *p. 403.* qui de *Cataphrygis* perhibent, putasse, quod mulieres ceu Diaconae ordinari possent, quoniam Apostolus *1. c.* immediate post Diaconos de mulieribus ageret. Sic *Jesuitissae* etiam exempla mulierum prophetantium & praedicantium pro se allegare potuissent. Sane primae etiam non erant, quae de tali religiosarum ordine cogitarunt, floruit ante ipsas talis in gallia praecipue Anno 1523. cujus muliercula vocatae sunt *Begvinae*, de quarum fundatrice lectiones quidem variant, vid. Hoornbeckius *Exam. Bullae p. 13. & 14.* it. Centuriatores Magdeb. *Cent. 13. c. 5. de haesibus p. 564. & c. 6. de Ceremoniis p. 653. seq.* Alex. Rossaeus in *Religionen der ganzen Welt p. 286.* desuit denique Ordo hic inque earum locum successerunt *Sorores tertii Ordinis S. Francisci*, quibus quoque ipsarum aedes & collegia traditae sunt. vid. Zimmermann. *de Presbyteriss.* §. 57. *p. 92.* Omnia nunc prolata *Jesuitissas* ad continuandum religionis institutum incitare potuerunt.

§. XVI. Quoad Eruditionem, quam & *Jesuitissae* potuissent haurire, res omnino bene se habet, non invidenda sunt, quibus mulierum Deus haec otia fecit, sed laudanda potius, commendanda & approbanda, & consentiendum omnino censemus Erycio Puteano, Belgae, in *Epist. 94. Attic. centen. 2. Epist. 97. ad Petrum Cantonium, JCrum.*

p. 216. *Jus, inquiens, fasque esse in Rempublicam literariam fœminas adscribi, optimarum artium cultu exerceri, & a fama aternitateq; non secerni, imo a multis vanis & peccaminosis curis abstrahuntur puellæ per studia.* Putasse etiam refertur Cœlius secundus Curio *de liberis pie educandis* p. 61. *Puellas a literis & doctrinis non arcendas esse, quia plerumque magis habiles ad eas sequendas, quam mares sint,* sed hanc esse phrasin hyperbolicam confirmat B. Dn. Thomasius in *cit. Diss. de Fœminarum Eruditione* §. 20. Sit interim quicquid sit, dari fœminas erudititas concedimus, sed quod sexus hic in Ecclesia publice docere unquam potuisset, exinde consequi non videmus, natura enim eas plane non destinavit muneribus docendi, sunt natura inhabiles ad prædicandi munus. Sic quoque ad Exempla Vet. Test. provocare vix licet, fuerunt extraordinaria, usus etiam est DEUS immediata vocatione, at hodie valet mediata, qua mulieres nec possunt nec debent vocari, prævalet effatum illud Paulinum: *Taceant mulieres vestrae in ecclesiis*, 1. Cor. 14. 34. cui respondet locus paral. *Mulieri docere non permitto*, 1. Tim. 2. 12. quæ verba etiam dictis Patrum & conciliorum omnium anteponenda esse satius existimamus.

§. XVII. Objicere quis posset: *mulieres viris esse religiosiores*, adeoque ex hac ratione *Jesuitisse* institutum inchoare suum potuissent; conatur prius probare Voëtius *Pol. Ecol. Part. II. lib. 1. Tract. 4. de mulieribus c. 2. quest. 2. p. 206.* ubi insimul ad experientiam provocat, plerasque in Belgio Ecclesias plura ex fœmineo sexu habere membra quam ex virili, plures etiam & priores zelum pro Orthodoxia & pietate difficilibus temporibus ostendisse, addit & illud Tertulliani: *Simplices, ne dixerim imprudentes & Idiotæ, major semper credentium pars est*: *lib. de Trinitate adversus Praxeam c. 3. p. 495.*

§. XIX. Quod si vel maxime concedere possemus, quod simplicissima pietas in mulieribus optima esset, sunt tamen *ad superstitionem etiam propensores*, id Apostolus affirmat & docet: *Vitare aniles fabulas*, 1. Tim. 4. 4. legi iterum potest Voëtius *lib. cit. quest. 3. p. 207. 208.* Qui probat singula quoad magiam divinatricem cumprimis, dicitque ex historiis gentilium constare, diabolum per mulieres Pythonifas, fatidicas Sybillas longe frequentius promovisse quam per viros. Possunt etiam e sacris literis adduci exempla v. g. Pythonissa in Endor 2. Sam. 28. 7. puella ista fatidica Act. 16. 16. Dantur etiam exempla mulierum

lierum, quæ *propensores in hæreses* fuere v. g. mulieres religiosæ dictæ *Act. 13. 50.* mulierculæ captivitatis *2. Tim. 3. 6. 7.* Jesabel *Apoc. 2. 20.* Sic etiam reperimus *Helenam* Simonis Magi in hunc numerum esse referendam. vid. Euseb. *l. 2. c. 13. p. 50.* it. *Marcellinam*, Carpocratis & Gnosticorum sectatricem, vid. Epiphanius *Tom. II. L. 1. Hæresi. 27. §. 6. p. 107. conf.* Magnif. Dn. L. Ittigium, Patronum & Præceptorem nostrum quovis observantiæ cultu devenerandum, *Dissert. de Hæresarchis Sect. II. c. 3. §. 6. p. 112.* Et quæ data sunt *Pseudo-Prophetissæ* post Apostolorum tempora in Ecclesia Christi, quales *Meehtildis*, *Brigitta*, *Catharina Senensis*, de quibus legi meretur Voëtius *Part. II. Diss. select. tit. de Prophetia p. 1063.*

§. XIX. Convinci etiam potuissent *Jesuitissæ* ex causa abrogationis Presbyterarum in primitiva Ecclesia, quæ propter varios excessus orta est, de quibus Theodorus Balsamon in *Synodo Laodicensi Can. 2. p. 833. Antiquitus*, inquit, *quadam vetula mulieres in catholicis Ecclesiis sedentes, reliquas forte mulieres ad bonum & honestum ordinem servandum deducebant, quia autem ex earum consuetudine, eo, quod honestum est non recte utentium vel propter arrogantiam, vel propter turpem quæstum quidam offendeantur, prohibuerunt Patres, ne deinceps omnino essent in Ecclesiis Presbyteræ vel Præsidentes.* Conf. eundem lib. de *velandis virginibus c. 9. Non permittitur*, inquit, *mulieri in Ecclesia loqui, sed nec docere, nec tingere, nec offerre, nec ullius virilis muneris nedum sacerdotalis officii sortem vindicare.* conf. etiam eund. *Synodo VI. in Trullo Can. 70. p. 446.* E cæteris autem mulierum religiosarum ordinibus apud Pontificios adhuc stantibus ansam exinde nulla foeminarum ullam ad ordinem ejusmodi constituendum novum sumere potest, namque res est difficillima Reique publicæ hinc inde atque ipsi Statui papali adversa nec utilis, ut videre est Hoornbeck. in *Exam. Bullæ pag. 44* plures omnino adducendæ venient rationes infra in abrogatione *Jesuitissarum.*

§. XX. Sed quid de doctrina *Jesuitissarum* statuendum venit? dubium est nullum, quin in hac parte tum Ignatii tum cæterorum ipsius fratrum vestigiis insisterint tum Rosella ipsarum fundatrix, cæteræq; sorores, confirmat Hoornbeckius *Exam. Bullæ p. 34.* ita etiam Janse-
nistæ maximopere quæsti *Jesuitissas* dicuntur in *lib. Gall. anon. Reponse à un Ecclesiastique du Louvain*, imprimis c. 14. ubi objecerunt, Je-
suitas

suitas spargere suas opiniones per tales mulierculas, quæ omnes per-
volitent domos; Accusat quoque easdem falsarum doctrinarum Bulla
papalis p. 2. *Indies*, inquit, *similia attentare ac multa sanæ doctrinæ*
adversantia proferre non erubescunt. At quæ sunt opiniones? quæ
sunt *Jesuitarum* Doctrinæ? falsæ sunt omnino quamplurimæ, quas si
omnes recensere studeremus, Dissertatio nostra adeo spissa fuerit, ut
magnum volumen exinde nasci posset. Notum est, quod in infor-
manda Juventute & catechizandi methodo utantur, habent etiam
libellos catecheticos, quorum primum conscripsit *Petrus Cani-*
sius, S. J. Belga Neomagensis, Anno 1559. In Hispania deinceps
Joannes Ramirius, in Gallia *Edmundus Augerius*. Sic & *Casterus*,
Bellarminus, *Cottonus* libellos catecheticos scripserunt; Et qui in
variis Linguis composuere eosdem, *Petrus Paëzius* in Æthiopica; *Mat-*
thæus Riccius in Sinensi, vid. Philippi Alegambe *Bibliotheca Script. Soc.*
Jesu. p. 491. conf. Hoornbeekii *Exam. Bull.* p. 26. 27. Confer & impri-
mis de catechesi Jesuitica differentem Martinum Chemnitium, *de Orig.*
Jesuit. Tom. I. *præcip. Cap. Doctrinæ Jesuit.* p. 7. Jesuitissæ etiam expresse
dicuntur docuisse *catechizando* rudiores in Belgio, ut taceamus hic
ceteram rerum Ecclesiasticarum curam, de qua inferius; itaque du-
bitamus nulli, quin dictæ mulierculæ eadem Jesuitarum catechesi eo-
demque catechizandi Methodo postea usæ sint. vid. Voëtius *Pal. Eccl.*
P. 2. L. 4. tr. 4. sect. 2. c. 9. p. 1012. seq.

§. XXI. Quid vero de tota Sacra Scriptura revelata Jesuitissæ sta-
tuant, judicandum est ex falsis de eadem sententiis ac hypothesibus Je-
suitarum, nam non est dubium, quin & in hac parte Autores suos ac
Duces perfrenue sectentur. Quid vero Domini Patres Jesuitici de
Scriptura sentiant, ex eorum scriptis satis notum est.

§. XXII. Quæritur autem, cum socii Jesu & cum eis sociæ S. Scri-
pturam negligunt planeque abjiciunt, quo fundamento nitatur ipso-
rum Theologia? sine dubio fundata est symbolo fidei Jesuitico, quod ex
Jo. Baptista Poza, socii hujus ordinis, Cantabri, libris conflatum unaq;
cum documentis necessariis abs Procuratore Hispanicarum Academia-
rum S. Inquisitionis concilio Madriti exhibitum ad Romanæ Inquisi-
tionis tribunal a *Francisco Roales* Theologo Salmaticensi & catholici
Hispaniarum Regis Sacellano deportatum fuit, quod Symbolum ce-
lebr.

leherr. Hoornbeekius ex Alphonsi de Vargas *Relatione de Stratagematis Jesuitarum* c. 18. 19. & Ipeciatim ex Francisci Roales *actione hæresis in societatem Jesu* p. 182. *Examinis Bullæ contra Jesuitiss.* p. 35. 36. inferuit. Si quis autem Errores Jesuitarum in theologia tam vario tamque permultos penitus paulo considerare aveat, legat supra allegatâ *Doctrinæ Jesuitarum præcipua capita a doctis quibusdam Theologis re-texta, solidis rationibus testimoniisque Sacrarum Scripturarum & Doctorum veteris Ecclesiæ confutata, quæ VI. Tomis constant.*

§. XXIII. Misso itaque systemate Theologico-Jesuitico ad moralia ejusdem Sectæ pergendum nobis est, at iterum præliminaria quasi nonnulla adponere huc possumus, v. g. *Filius, qui in domo Parentis est, si pro servitiis, quæ præstat, desideret præmium, parens autem ipsi dandum neget, id salva conscientia furto subducere queat. it. Adulter, qui in adulterii actum abs adulterâ marito apprehenditur, hunc suæ servandæ vitæ ergo interficere possit.* Veritati consentaneum censent religiosi Patres: *Embryonem, quamdiu in utero materno lateat, minima carere rationali, eamque tunc demum accipere, cum luci exponatur; si itaque quis interficiat eundem quocunque saltem modo, is nullam faciat cadem.* v. *La Moral-Paratique des Jesuites* passim. Et in hoc certe non acquiescunt, sed in vitas Regum etiam atque Principum invadunt, sibi enim gratulantur de occasione interficiendi Regem data, quin Jesuita Varadius affirmavit expresse, *nullum fieri ab ipso posse opus meritorium magis, quam si Regem obtruncaret, quamvis etiam esset catholice Religionis,* vid. *Wolffius Lect. memorab. Tom. II. p. 1080.* ita quoque Johannes Mariana, Jesuita Toletanus de *Rogæ & Institutione Regis Lib. I. c. 7. p. 68.* affirmat: *In ejus vitam grassari quacunque arte concessum, ne cogatur tantum sciens aut impudens sibi conscire mortem.* (libellus hic Anno 1610. Lutetiæ Parisiorum ex Parlamenti decreto combustus est.) Rud. Hospinianus *L. 4. de doctrina Jesuit. c. 5. p. 356.* illustrat thesin hanc theologico-morali-Jesuiticam illustriori exemplo, fluxisse, inquit, ex hac Mariana doctrina, ut Jesuita Richardus Walpot socius Mariana antehac Eduardum Squire, Anglum, veneno instruxerit, quod Regina Angliæ & Essexio non edendum aut bibendum præberet, sed quo sellam tantum inungeret ita, ut ex ejus contactu uterque moreretur; Ut taceamus hic alia Exempla v. g. *Jacobi Clementis qui Hen-*

ricum III. Gallorum Regem Anno 1589 culro, occidit, &c. Hic meminisse profecto deberent Decreti Pontificis Urbani, quod extat c. 24. p. 3. quo sancitur: Quod talia docentes, consulentes aut defendentes longe damnabiliores sint facientibus, & quod Seneca ad Alexandrum dixit L. 1. de Clementia c. 25. p. 481. Quid interest, Leoni Lysimachum obijcias, an ipse dentibus laceres ruit? Tuum illud Os est, tua illa feritas: O quam cuperes tibi patius Ungues esse; tibi rictum edendorum hominum capientem. Quemadmodum vero Jesuitæ, callidum genus hominum, plerumque se aulis illatebrant, ut per confessionem & humana politaque conversatione Principum arcana explorent, conf. hac de re Dn. L. Rechenbergius in Dissert. de Ratione Status Religionis & Doctrinæ Papæ §. 35. hab. Anno 1672. ita Regina ac Principissa eo magis habent, cur sibi gratulentur, quod Jesuitissarum ordo non confirmatus sit, istæ enim ut Socii cœu serpentes irrepsissent in aulas, rebusq; Principissarum præesse ac muneribus summis fungi voluissent; Et ut sexus sequior ad iram aliosque humanæ Infirmittatis affectus semper proclivior existit, ita sane præistis tutæ adeo vix fuissent, semper ipsis metuendum, ne vita periclitaretur, cum foeminis ejusmodi fecis infirmæ committere sese totas necesse habuissent, quæ juxta hypotheses sociorum Reges, Regina ac Principissas veneno seu quocunque alio remedio interficere non adeo curassent, quin potius pro bono opere vendidassent; plures Canones Regulæque morales hujus Societatis legi possunt in Theologia morali Jesuitarum contra bonos Christianorum mores, & lib. Gall. La Moral-Pratique des Jesuites, qui ob veritatem in se contentam Parisiis vulcano sacratus atque combustus fuit, maximam partem translatum videmus in lib. der Jesuiten Christenthum und Lebens-Wandel.

§. XXIV. Ad moralia Jesuitarum omnino referenda sunt artificia ista, quibus homines sæpius abs ipsis falluntur, sunt *equivocationes & reservationes mentales*, dum aliter cogitant ac loquuntur & scribunt; ex quibus maxima omnium actionum humanarum Confusio oritur, nam sic omnia pacta, Contractus atque transactiones violentur, verbo: *Omnis fides destruitur.* Casaubonus in Epistola 624. p. 764. recenset verba *Andreæ Eudæmonis Johannis*, S. J. qui Garnetti artis equivocatoria alias Magistri, Papæque, ut vocabant, Anglicani consecra-

secraneus fuit: *Solar*, inquit, *esse DEI amantes*, quibus *equivocatio placet* sed non esse, patet ex *Pf. 28.3.* vocantur enim ibidem homines istiusmodi *impii & malefici*, requiritur potius abs his, qui volunt esse dispensatores Jesu & Ministri, ut *omnis reperiatur fidus 2. Cor. 4.2.* hic non incongrue vocandi veniunt *Labaniste*, cum *Laban*, Jacobi socer reservationum mentalium & equivocationum esset peritissimus, quastamen a Jesuitis nondum didicerat. Minime ergo putent se primos autores esse subdola istius artis; Equidem *Laban* hanc abs eodem didicerat Veteratore, qui Jesuitas eandem innovare docuit, conf. *Rivet*us *Comment. in Genes. c. 29. v. 19. Exercit. 127. p. 493.* Veterator quidem non est alius, quam qui olim per Oracula apud Gentiles loquebatur bilinguis, verbo: est *Pater mendacis*. In hac parte apte etiam conveniunt cum *Arrio*, nam istum equivocationibus & reservationibus mentalibus polluisse, ex ipsius confessione satis patescit; at eventus edocuit *Arrii* amantem Dei non fuisse, juxta *Eudemone-Johannis* erroneam sententiam, certe *Deus non amans est mali, qui hoc facit, non permanet in ipso Ps. 5.5.* Id melius observavit *Garnettus*, cum eundem, quod Conspirationi pulveraria Anno 1605 Londini facta interfuisset, ad patibulum producerent & expiscarentur ab ipso, an & nunc equivocationibus se juvari cogitet? respondisse fertur: *jam non esse tempus equivocationibus ludendi.* An vero Jesuitissae etiam equivocationibus uti valeant, dubium nullum est, sicut enim foeminae versutia gaudent non levi, nam sequuntur calliditatem serpentis, quae primam mulierem callide seduxit; Ita certe experientia quotidiana docet, versipelles esse foeminas & adhuc valere commune Germanorum Proverbium: *Weiber list über alle list.*

§. XXV. In quae autem loca Jesuitissae olim irreperunt? Dicuntur in Bulla pap. fuisse *in nonnullis Italiae & ultra montanis partibus ab aliquot annis*, sine dubio Romae crescere inceperunt, quo *Elisabetha Rosella* sub initium novi Ordinis Jesuitici statim *Ignatium Loyolam*, secuta est eundemque Romae invenit, conf. §. 12. *preced.* At Venetiis istas quoque fuisse judicamus ex eo, nam cum expellerentur ibidem religiosi Socii, statim intellecta intimatione mulierculas suas die 9. Maji 1606 ad Ecclesias tumultuarie convocarunt, quibus thesaurum, ceteraque concrediderunt, conf. *Lucius Hist. Jesuit. Li. 4. c. 8. p. 639.* Haec quidem Venetis non adeo fuisse notas, constat exinde, quod Je-

suire

sunt ibi emergere vix possent, ut solent alibi, fuerunt & tunc temporis certis quasi circumscripti locis; Dubitari ergo potest, an sciverint Veneti, quod & penes se darentur Jesuitissæ. Magis autem excreverunt in Belgio, cum eorum religio ibidem toleraretur & hic ordo famine us adeo turbatus non fuit.

§. XXVI. Quomodo vero in Italia cæterisque ultramontanis partibus se gesserint, favente ipsis & ad tempus connivente Sede Apostolica, ex Bulla papali satis superque videre licet, dicuntur in ea *ab aliquot annis in unum convenire solite, vite religiose ducenda prætextu, peculiarem & distinctum a cæteris habitum usurpasse, ædificia in Collegiorum formam rede gisse, domos Probationum erexisse, inq. eis superiorem ac prætense Congregationis sue Generalem indito Præpositæ titulo & attributis facultatibus bene visis constituisse, in illiusq. manibus Paupertatis, Castitatis & obediencie vota ad instar solemnium committere, clausuræque legibus non adstrictæ pro libitu divagari ac specie salutis animarum promovende, aliæque opera permulta sexus & ingenii imbecillitati & modestiæ muliebri, ac virginali præsertim pudori minime convenientia, & quæ viri sacrarum literarum scientia, rerum usu, vitæque innocentia spectatissimi difficile admodum & non nisi magna circumspèctione adhibita aggrediuntur, attentare & exercere consuevisse.* Habuerunt itaque Jesuitissæ domos probationis, quemadmodum ipsi Socii, conf. Rossæi *Beschreibung der ganzen Welt Religionen p. 420.* in quibus vel quatuor ut Jesuitæ, vel plures septimanas Candidatas suas probarunt, an Ordini suo inserviendi ac vivendi dignæ reperirentur. Extra dubium speciatim ab iisdem expiscatæ sunt, an sint capaces castitatis votum cumprimis servare; quæ autem probationis experimenta fecere, Bulla allegatis modo verbis, paulo post memoratas probationum domos indicat, istas exercuisse *opera permulta sexus & ingenii imbecillitati & modestiæ muliebri ac virginali præsertim pudori minime convenientia.* Ostendent id ultro exempla inferius adducenda. Habuerunt dictæ virgines in his Probationum domibus Generalem, ut Socii, quam titulo Præpositæ exornarunt, nihilominus etiam Visitatrices, Rectrices aliasque sectæ suæ muliebris Officiales.

§. XXVII. Ast Urbanus VIII. Pontif. Rom. ordinem hunc muliebrem damnavit atque suppressit; factum id quidem esse ex odio Jesuitarum, conjecturavit Voëtius *Polit. Eccl. P. I. lib. I. c. 2. p. 35.* Sit

inte-

interim quicquid sit, non sine rationibus tamen fecisse Urbanum patet ex citatis Bullæ pap. verbis, ubi imprimis hæc ratio allegata est, quod limites honestatis & castitatis præter decorem sexus muliebris prætergrederentur. Observata est etiam ab Urbano audacia harum virginum, quod quæ ipsis præstita essent gravissima illotis tamen manibus arriperent, quo Urbanus prævidendo conjecturare visus, totam societatem esse lapsuram, si ordo muliebris accederet virili, quia per *πολυπραγμοσύνην* suam ad majora & altiora tenderent inque rebus publicis atque politicis partem arrogare sibi superiorem conarentur, ut illustre exemplum datur a Thuano *L. 16. p. 151.* imo Antichristum ipsum esse periclitaturum; Eset denique contra ordinationes generalium Conciliorum Lateranensis & Lugdunensis, in quibus distincte prohibitum esset, ne quis novæ Religionis instituendæ auctoritatem sibi arrogare præsumeret; Adversaretur etiam Constitutionibus *Joannis XXII. & Clementis V.* Paparum Romanorum salutaribus, quorum vigilantia, mulierum cœtus auctoritate privata & de facto instituti tanquam exitiosi palmites damnati & sublati fuissent. Tandem ne in agrum Dominicum Operarii sine delectu temere se ingererent, fata dissiparent, confusa evellerent, zizania inferrent & adulterinas in eo plantas superinducerent, has rationes in frontispicio Bullæ statim legimus.

§. XXVIII. Jesuitissæ ante abrogationem sui admonitæ, quidem sunt, quo à suo conamine abstinerent, iterum juxta Bullæ tenorem: *Venerabili Fr. Aloysio Episcopo Irinaricen. nostro & apostolica sedis in partibus inferioris Germaniæ Nuntio, & nonnullis locorum Ordinariis dedimus in mandatis, quatenus propositis gravibus periculis & scandalis exinde resultantibus mulieres seu Virgines præfatas ex parte nostra apostolica serio monitas a temerario incepto ad saniora concilia revocare conarentur.* Sed eas hoc minus curasse patet ex sequentibus. *Verum ille DEI timore ac nostro & sedis Apostolicæ respectu posthabito in grave animarum suarum præjudicium & honorum omnium offensionem arroganti contumacia paternis & salutaribus monitionibus nostris non paruerunt.*

§. XXIX. Urbanus itaque impatiens Usurpationis & *πολυπραγμοσύνης* ipsarum & observans easdem posthabitis papalibus admonitionibus obstinaces ac inobedientes se gessisse, ad ejectionem atque excommunicationem earundem progressus est Anno 1630 idibus Janua-

ri, his verbis duris admodum. Nos excreſcentes in agro militantis Ec-
 cleſie mature evellere ſatagentes, & paulo poſt. Nos tantam temerita-
 tem acriori cenſura coercendam & plantas iſtas Eccleſie DEI noxias ne
 ulterius ſe diffundant, radicibus evellendas & extirpandas eſſe decrevi-
 mus. Duriora fata videntur, qualia expertæ non ſunt antehæ Be-
 guina, quæ in multis comparandæ erant cum Jeſuitiſſis. Quodſi au-
 tem Roſella a primordio ſuæ ſectæ ſtatim, quo Ignatius, uſa fuiſſet
 medio, non ſibi ſaltim ſed & univerſo ordini conſuluiſſet, ſeſe enim
 Ignatius etiam atq; etiam commendavit ſuo libello, quem ſcripſiſſe hiſ-
 ſpanice & inſcripſiſſe Exercitia ſpiritualia dicitur, Sic Ludovicum de
 Ponte in vita P. Baſilarii Alvarez. c. 43. fida traditione inde uſque
 a P. Jacobo Eainio acceptum haberi. DEUM hæc Exercitia ſancto Pa-
 tri Noſtro revelaffe: imo per Gabrielem Archangelum non nemini fuiſ-
 ſe a Deipara Virgine ſignificatum, ſe Patronam eorum fundatricem &
 adjutricem fuiſſe, docuiſſe Ignatium, ut ea ſic conſideret, recen-
 ſet Philip. Algeambe in Bibliotheca ſcriptorum Soc. J. p. 1. Si Eliſa-
 bertha Roſella ſpiritualia Exercitia ſcripſiſſet, proh Deum! quod mira-
 culum exinde reſultaffet, ſi una revelationem jactitaſſet divinam, in-
 felix forſitan non fuiſſet in conſtituendo ordine ſuo, ſed hæc Jeſuitiſſis
 nunc exoptare non expedit, ſunt excommunicatæ durioribus adhuc
 Bullæ pap. verbis ſeqq: Prætenſam Congregationem mulierum, ſeu vir-
 ginum Jeſuitiſſarum nuncupatarum illarumq; ſectam & ſtatum ab ortu
 ſui primordio nullos & invalidos nulliusq; roboris vel momenti fuiſſe,
 & eſſe, apoſtolica auctoritate tenore præſentium decernimus & declara-
 mus, & quia de facto proceſſerunt, eadẽ auctoritate penitus & omni-
 no ſupprimimus & extinguimus, perpetuag abolitioni ſubjicimus, & ab
 eccleſia DEI ſacroſancta funditus tollimus, delemus & abrogamus ac
 pro ſuppreſſis, extinctis, evulſis, deletis & abolitis ab omnibus Chri-
 ſti fidelibus haberi & reputari volumus & mandamus, & paulo poſt:
 Inſuper aſſertas viſitatrices, Rectrices & Præpoſitam Generalem ac alias
 Officiales Officiis & muneribus ſuis de facto uſurpatis omnino privatas
 eſſe & fore decernimus pariter & declaramus & quatenus opus ſit pri-
 vamus, illasque ab eiſdem officiis & muneribus omnino amovemus. Be-
 ne ac prudenter egiſſe Urbanum, certum eſt, quo enim diutius conni-
 viſſet hiſ foemellis, eo latius imperium Jeſuiticum ſeſe extendiſſet, fa-
 ctio enim earum non Monachis duntaxat, ſed & aliis ordinibus ac Po-

litiis nonnullis, imo Sedi Apostolica adversata est, talem itaque factio-
nem circumscribendam & cohibendam esse, Urbanus ratum habuit,
conf. Hoornbeekius *Exam. Bull. p. m. 44. 45.*

§. XXX. Sed heus *Urbano*! bonum quidem fecisti opus in expel-
lendis hisce mulierculis, excommunicatio vero tua non multum va-
luit, sunt enim adhuc hodie Jesuitissæ & quidem cum consensu, gra-
tia & Privilegio Jesuitarum, testatur id Hoornbeekius *Exam. Bull. p. 41.*
Ridiculum est, inquit, *ut hic excandescat & tumultuetur Papa ad-*
versus Jesuitissas: Quas utcumque velit, jubeat, clamet, extingui, de-
teri, Jesuitæ hodie aque curant, ac in Hispania quando damnavat Por-
ram. Quippe in locis, ubi aliquod numero & priorio Jesuitæ sunt, vi-
debis hasce mulierculas ab illis foveri & diligenter curari, quamvis
reclamante & spumante Bulla. Non quidem Collegium vel Sectam il-
la faciunt, quod sciam, sed tamen & distincto vestitus signo & sub Pa-
trocinio societatis singularem in formam & ad præscriptam societatis
religiose vivunt, ut nequaquam sint extinctæ vel abolite, quod Papa
voluit, vel alia ab aliis seorsim degant, aut non convenient ad aliquod
spirituale vel temporale insimul consultandum. Serio quidem ipsis con-
versatio cum mulierculis fuit prohibita, vide Regulas Jesuitarum,
cum primis Rectoris, c. 7. De communicatione cum externis Reg. 72.
73. p. 84. conf. §. XII. præced. Jesuitæ autem his regulis maximopere
contrariantur, dumæ Laicis personis sorores in ordinem suum coo-
ptant, votisque suis sibi adstringunt. conf. Lucium *Hist. Jesuit. l. 1.*
c. 5. p. 132. Dantur præprimis in Belgio, licet in vitis Belgis, vid. hinc
Querelle Lovaniensium cit. lib. *Reponse d'un Ecclesiastique du Louvain*
c. 14. quarum examina non tantum papales sed & Reformatorum ter-
ras inundant, domos percolitant fallasque Sociorum suorum hypo-
theses spargunt. vid. Voëtius *Polit. & eccl. Part. II. Lib. I. Tract. 4. de mu-*
lieribus c. 2. Quest. 3. p. 209. licet non vocentur ibidem *Jesuitissæ*, sed
Kloppen / Oeselen / Waters-Kloppen / uti supra §. III. fuit commemo-
ratum. Dantur etiam Colonia, quæ semper quasi sedes foemellarum
religiosarum fuit; Ita Begvinæ in eadem tantæ olim fuerunt multi-
tudinis, ut mille & plures numerarentur. vid. Zimmerm. *de Presby-*
teriss. §. 57. p. 91. vocari se *Jesuitissas* Colonia aliisque in locis et-
iam non dedignantur, licet titulum ipsæ non ostendant. Dantur &
Viennæ, Pragæ, Vratislaviæ, quas quidem ab antiquis *Ursulinis* deri-

fatagunt, sed dicuntur etiam vulgò Jesuitissæ; & quidem recte re-
atque nomine. Pontificii in genere tum Clerici tum Laici non ve-
rentur easdem tanquam peculiariter a Jesuitis dependentes contradi-
stincte ad aliorum Monachorum Cloppas Paters-Kloppen appel-
lare.

§. XXXI. Sane mirum adeo non est, quod & hodie dentur, cum
ipsarum Duces & Autores diu noctuque student, quomodo puellas il-
lecebris attrahere sibi queant. Profecto Ignatii successores tantæ non
sunt sanctitatis, ut mulierum curam negligant ac ipse, ut §. XII. fuit
ostensum, sed earum curam avidius captant in ipsis observandis, fo-
vendis & congregandis sub ordinis sui sacramentum præsertim ditio-
ribus, conf. Hoornebeekius *Exam. Bull.* p. 32. ideo prosequuntur eas-
dem blanditiis ac promissionibus, ut statum religiosum denique am-
biendum detrectare non valeant. Hic Erōdii Andegavensis *plagium*
de alliciendis puellis detectum in Jesuitis supra cit. legisse non pœni-
tebit. Sic varia proponunt stratagemata ad id facientia. *Suaviter sci-*
licet & fortiter matri vidua esse peragendum, ut filiabus molesta sit
virgis, minis, abstinentiis asperius tractando, denegando ornatum,
muliebrem exquisitum, pollicendo majorem dotem, si velit esse monia-
lis, exaggeret futuri mariti furores, gravamina matrimonii, præ se fe-
rat mater ipsa dolorem, se non fuisse monialem, & denum ita agere
contra filias instigat, ut, vitæ radio apud matrem manendi adspirent
ad monasterium, vide ejusmodi consilia in Theophili Eulalii catholi-
co-Bohemii aureis monitis religiosiss. Societatis §. 8. de remediis, ut *fi-*
lie nostrarum devotarum religiosum amplectentur statum p. 23. Dein-
de §. 13. p. 39. de monialibus agit, quomodo sint conservandæ in statu
religioso, & introducit Socios ita loquentes: *Caveant offendere moniales*
nostri Confessarii, ab clausuram non eas molestant, relinquunt Episcopis:
conserpent potius favorem monialium, ne contra nos agant ob dimidi-
as dotēs easque exprobrent nobis datas. Sic etiam singularem ipso-
rum calliditatem ad alliciendas has oves in ovile suum hasque colum-
bas simplices in suum Columbarium in eo consistere, ut eas crebro vi-
sitent, affirmat Petrus Jarrigius, Jesuita Rupellensis in *ferali pegma-*
te c. 6. p. 78.

§. XXXII. Distinctæ sunt Jesuitissæ abs aliis Cloppis non tantum
ratione nominis sed quoque originis, plurimæ enim nobili ortæ sunt.

Pro-

Prosapia, aut existunt potentiores; Accedunt autem his etiam ignobiliores & pauperiores ex plebe, quæ ipsarum Institutis magis idoneæ reperiuntur, hæ aluntur ex communi plurimum aut etiam speciali potentiorum liberalitate mercedis loco pro exhibitis sibi aut Patri suo spirituali presbytero servitiis. conf. Voëtius *Polit. Eccles. Part. 2. lib. 4. tract. 4. c. 9. p. 1012.*

§. XXXIII. Differunt etiam ratione formæ a cæteris Cloppis, nam tenentur tribus Jesuitarum votis, *paupertatis* scilicet, *castitatis* & *obedientiæ*, quemadmodum Bulla papalis de veteribus Jesuitis etiam annotat, consueville in sua *Generalis Præposita manibus Pauperum, Castitatis & obedientiæ vota ad instar solemnium emittere*, ita & modernæ Jesuiticæ eandem servant formam. Quod votum paupertatis speciatim attinet, satis superque innotescit, Jesuitas esse maxime divites & nullatenus pauperes, commendatur quidem hoc votum ipsis maximopere in Bulla I. Julii III. Pontif. Rom. vid. *Literas Apost. p. 57.* Sic quoque Pius V. declaravit in *Brevi 2. societatem hanc inter Mendicantium ordines communerari debere* vid. *easdem Lit. Apost. pag. 114.*

§. XXXIV. Jesuitarum unus alterve interdum exercitii gratia, votum paupertatis proficitur, suumque specimen sequentem in modum edit: Cum ceteri Patres spirituales mensæ accumbunt & cum divite isto *λαμπρῶς* epulantur, unus ex suo ordine progreditur, indutus Centone, calceis perforatis, pileo dilacerato & seminudus, is patinam & lagunculam ligneam manibus tenet & a patribus his cibum potumque emendicat, quibus acceptis post januam sedet cibumque capit. vid. *Lucii Hist. Jesuit. lib. I. c. 5. p. 130.* hoc modo Jesuiticæ etiam paupertatem proficitur, cum una pauperior alteri nobiliori ac potentiori famulatur, itaque acerbum adeo & difficile non est mendicandi munus in se suscipere.

§. XXXV. Sic quoque Societas hæc paupertatem modo simulat, cum spes in aliqua hæreditate succedendi affulget, urgente tunc interdum necessitate testamenta extundere, domos involare, hæredes amovere inque monasteria clanculum subducere solent, quo ipsorum hæreditatem jure quasi adipisci videantur, vide quæ hujus rei adduxit exempla Wolffius in *Lect. memor. Tom. II. p. 1082.* Ant. Arnaldus in *Philippica sua p. 46.* Per media ejusmodi thesaurus religiosæ societatis quo-

ridie creſcit. Ita nec principibus parcunt ipſos defatigando multis precibus, quo unum alterumve ab ipſis donum accipiant. Notatu digna habetur, quam Princeps *Lobcowitzius* elimitulit, ſententia, cum e ſocietate Jeſu nonnulli Imperatorem ad dandam ſibi molam ſolicitarerent: Dabat dictus Princeps Jeſuitis nodum gordium ſolvendum ſequentem: quid ſignificaret *Romanus Numerus VII.* cum autem hunc ad palatum Principis non exponerent, eundem ſic ſolvebat:

Vngarn / Jüden / Jeſutter

Bringen den Kайſer um ſeine Güter.

Hoc & alio ditendi modo plurima corraſerunt bona, quorum tam collegiorum quam domuum aliorumque Palatiorum ac ædificiorum ſpiſſiſſimum catalogum *Lucius Hiſtoriæ ſuæ jeſuit.* affixit, quem vide *lib. I. c. 4. a pag. 145. ad 156. uſque.* Quibus denique valeant pecuniarum ſummis novellas legentibus ignotum non eſt, retulerunt hæ paucas ante ſeptimanas Regi Hiſpaniæ ſediſſe animo, ab Sociis America Provincias, Dariam, Peruam & Mexicanam incolentibus liberale donum trium myriadam conſenſu Pontificis mutuo ſumere, cui etiam Papa ex voto reſpondiſſe dicebatur. Recte hinc Canticum Jeſuiticum in dem entlarſſten Jeſuiten p. 219. & 221.

Hi periti mendicantes

Sunt quaſi nihil habentes,

Et omnia poſſidentes.

Domos, agros, Uniones,

Aureorum millones

Habent iſti ſancti Patres.

Jeſuitiſſa ratione divitiarum etiam cum ſociis participant, præſentim cum nobiliores majoremque partem potentiores ſint, emulantur tamen paupertatem. Societas itaq; conjunctim ſumta cæteris omnibus Religioſorum ordinibus exiſtit ditior, minus inepte igitur *Autor Anonymus* des träumenden Paſquini *Fluger Staats-Phantaſien* ordini ſocietatis relig. inſcripſit ſequentia in der erſten Erſcheinung p. 32.

Hier wohnt ein fluges Volk / das niemahls ruhen kan /

Es giebt bey Groß und Klein ſich ſtets als Erbe an /

Vom Himmel ſchwacht es ſtets und greiffet nach der Erden /

Die Armuth lobt es nur daß andre ärmer werden.

§. XXXVI. Votum Castitatis quod attinet, sciendum id a Jesuitis magnæ estimari, prout abs Ignatio ipsis quoque maximopere fuit, commendatum in *Constitutione 28 Regularum soc. J. p. II. Quæ ad votum castitatis pertinent, interpretatione non indigent, cum constet, quam sit perfecte observanda, nitendo angelicam puritatem imitari; & corporis & mentis nostræ munditiâ, unde etiam Jesuitæ communiter jactitant, tametſi inter discipulos suos habeant Juvenes formâ, vultu & robore corporis præstantes, tantæ tamen esse castitatis & continentie, ne igniculum quidem carnis in ipsis per confessionem animadvertere possint, vocant etiam eosdem suos *Angelos terrestres, qui DEI gratia omnem carnis fomitem cœn cultro præciderint, ut juratam facile præstare possent continentiam*, ita Bonaventura Rector Ingolstadt. Jesuit. Anno 1582. dixit. conf. Lucius *Hist. cit. lib. cit. c. 5. p. 131.* Rejiciunt ergo & damnant matrimonium condendentem, clericum vivere debere in cœlibatu; Andreas, S. Jef. Romæ apud S. Andream Jesuiticorum Novitiorum Informator dixit: *Non minus peccare sacerdotem si uxorem ducat, ac si cum mula rem habeat.* vid. Wölffius *Lection. memorab. Cent. 16. p. 1075.* Sed verba sunt; Alibi contendunt, Monachos cum monialibus privatim posse conversari, modo illorum consuetudo perpetuo involveretur silentio. vid. Jarrigiùs in *ferali pegmate c. 10. p. 136. seq.* Philippus II. jocando aliquando ad eos dixit, quomodo casti esse possent conversantes privatim & familiarissime cum venustioribus foeminis? responderunt: Herba quadam se esse instructos, quam timorem DEI appellarent, cujus beneficio omnes cupiditates atque insultus superare possent; Sed an herba hac utantur? vid. cit. Autor *lib. cit. c. 6. p. 26. præpimis p. 79.* recenset, quod etiam Rectores, quibus custodia fratrum castorum concedita esset, herbam istam saluberrimam, perdiderint, illustreque adponit exemplum *Frontonii Gadoutii*, Rectoris collegii Fontaniensis, & *Petri Regnierii*, successoris sui, quod convicti fuerint, foeminas illustres, quarum nominibus Autor parcere vult, annos integros & sæpe quinquies & sexies in septimana visitasse; tali formâ exhibent castitatem, quam ultro declarare melius vix fieri poterit quam exemplis. Notum est de *Cortone*, regio Confessario in Gallia, qui ad nobilem foeminam Nemausensem propria exaravit manu: *Se post summam peculiaris sue amicitie contestationem sperare, quod brevi eam sit visurus, eiq. summam capitalem cum censibus debitis ab-*
*sentiæ**

sentia sua soluturus, sumq; erga ipsam affectum tantum esse, ut minime credat, gaudium suum in paradiso perfectum futurum, ni eam inibi presto presentem offendant. vid. Lucius *cit. lib. c. 5. p. 132.* idem, quoq; Autor dubitanti, quod Domini Fratres non sint casti, commendat *Thomæ Sanchez Cordubensis Jesuitæ lib. 9. Disput. de matrimonii sacramento, Antverpia 1607 excus.* Patet exinde eos non solum cum Jesuitis familiariter agere, sed etiam cum virorum magni nominis conjugibus. vid. Hasenmüll. *Hist. Ord. Jes. lib. 6. de votis Jesuit. p. 199.*

§. XXXVII. Sorores Jesuiticæ circa hoc votum eodem modo sunt comparatæ, sicuti enim in aliis doctrinis vestigia Sociorum premunt, ita profecto in hoc studio ab ipsis non declinant. Equidem non omnes votum coelibatus simplex & tacitum nuncupant, sed quædam saltem, major tamen pars earum vovent id vel perpetuo, vel restringunt ad certum tempus longius seu brevius, vovent immediate tum Deo in cordibus, tum Confessariis, ut autem Clerici ægerrime solent ferre, si Cloppæ coelibatus voto contrariantur, & matrimonium ineant, imò subducuntur clam a Pontificiis, ac si *atrov* enorme commisissent, ita cum Jesuiticis pari modo serres habet, malunt Jesuitæ soli cum solis conversari. conf. Voët. *Polit. Eccles. Part. 2. Lib. 4. tract. 4. c. 9. p. 1012.* In Belgio foederato etiam Jesuitæ non audent censuras Canonicas in eas stringere, sed earum conditio in hac parte est ut *Begvinarum*; facile ergo exinde judicamus castitatis votum non multum valere: nam *Begvardi & Begvine* statuerunt, actus carnales non esse peccata, cum natura ad hos inclinaret. vid. Centuriat. Magdeb. *Cent. 13. c. 5. p. 564.* majorem itaque venereis rebus impendere operam Jesuiticis, extra dubitationis aleam est positum; Castitatis votum ipsis Dn. Patres cum cura ac studio legunt; Sic *Petrus Cluniacus* explicuit quidam ex earum numero tractatum continentem causas, quæ matrimonia reddunt irrita, ubi discursum non una saltem lectione ex Monialis voto continuavit deque hominibus frigidis & impotentibus prolixè disseruit; Alius hujus disciplinæ Professor disertissimus *P. Johannes Adamus*, ex his mulierculis quidam, cui nomen Ursulæ, exposuit tractatum generationis, tamque clare de partibus generationi inservientibus locutus est, ut Dn. *Laurentius* in Anatomia sua magis perspicuus esse non potuerit, ita censet Jarrigius in *ferali pegmate c. 10. p. 137.* Cum ita sit, quod foemellas suas omni navata opera in hoc studiorum genere informant,

non

non miramur, si numerus Jesuitissarum crescere quotidie queat, sibi enim imaginari haud difficulter possunt, quod si hoc votum, quod gravissimum esse videtur, tam facillime addisci & servari potest, ut servant nostri Præceptores, non curemus vota cætera, leges juxtim ac consuetudines, fluit unum ex altero, singula minori difficultate sumus comprehensuræ; Et quemadmodum discipulus Præceptorem suum eo lubentius æmulatur in hoc studio, quo imbutus est abs ipso, ita Jesuitissæ in studio castitatis nullos præter Jesuitas æmulari volunt, funditus enim ac realiter abs istis existunt instructæ; Talis virgo ad Jesuitarum quendam accessit quondam suam animi sententiam aperiendo ita, *se a Predicatoribus ad concubitus esse sollicitatam, sed se nullos præter Jesuitas amare posse, cum longe Urbaniores cæteris sint. Aut. cit. p. 89.* Quin ipsi Jesuitæ has ceu suas discipulas & oviculas lubenter agnoscunt, ita enim de P. Zieglero narratur, interrogasse quondam famulum monialium luxuriantium: *Quid faciunt ovicula mea?* respondit ille: *Domine venerande, valde sunt fecundæ: nam hac nocte una earum duos peperit agnellos.* Quis credat ex alio quam Pastore suo oviculam hanc gemellos istos concepisse. Vid. Lucius *Hist. Jes. lib. 1. c. 5. p. 135.* De fecunditate Jesuitissarum longe lateque disseruit modumque pariendi accurate satis descripsit Lucius Cornelius sive Caspar Scioppius in *monarchia Solipforum* (Jesuitarum) p. 249. *Conjuges solipsi tot habent, quos alere possunt, nec tam adolescentes quam adultas, sæpiusque anus decrepitas & has (quod monstri instar merito mireris) fecundissimas, raroque abortientes, imo sub ipsum exitum vitæ copiosius enitentes, admittunt & ipsæ plures maritos, sed tum minus fecunde pariunt, minusque gratum edunt partum, universim vero nullum certum pariendi tempus habent, sed modo citius, modo tardius enituntur, interdum elephantinum partum superant. Eo certe maritis gratiores sunt, quo citius & sæpius & copiosius pariunt, quanquam ultimæ senectutis partus subinde inter gratissimos habentur & felicissimos.* Qui adhuc de Jesuitissis etiam parturientibus audet dubitare, eundem ablegare Pragam volumus, quo in Bibliotheca Jesuitica sellam obstetriciam ipsis propriam oculis lustrat, quæ post eos e regno Bohemiæ exactos cruore sordidata deprehensa fuit, testatur id ingenue Lucius *Lib. cit. c. 5. p. 132.* imo contestatur verbis expressis Haenmüllerus *Hist. Ord. Jesuit. c. 6. de votis p. 191.* wie die Augspurgischen

Jesuiten ihre Jungfräuschaft halten / weiß fast jederman / da unter denselben eine Jesuitin augenscheinlich ist ergriffen worden / daß sie ein Kind gesäuet hat.

§. XXXIIX. De voto obedientiae nosse sufficiant sequentia; Quem admodum Patres religiosi votum hoc strenue prestare obligati sunt juxta ipsorum Constitutiones. vid. Reg. Jesuit. sup. cit. a Constit. 31. ad 36. usque p. 12. quinimo Epistolam spissam de obedientiae virtute scripsit Ignatius, Romae d. 7. Calend. Aprilis Anno 1553. cujus tit. Ignatius Loyola fratribus Societatis Jesu, qui sunt in Lusitania. vid. cit. Regulas a p. 242. ad 258. in qua citavit Cassianum, qui in Abbatis Mosis Collocatione dixit: Nullo alia vitio tam precipitem diabolus monachum pertrahit ac perducit ad mortem; quam cum eum neglectis consiliis seniorum, suo judicio persuaserit. vid. Reg. cit. p. 259. Imo praecipit Ignatius in his omnibus: Esse ita obediendum superiori, ut inferiores ejus mandata ac jussa hilariter, promte, velociter & integre exsequantur factis & operibus. Et ut ex voto obedientiae votum prestare queant, certas imagines in museis ac cubilibus sibi ob oculos ponunt: Ubi in medio Puer, qui incurvat dorsum, quo humeris impositum fert trabem, cui inscriptum est: Fortiter, portat dein Citharam, qua volunt obedire debere hilariter, a dextra illius assurgit catulus, ut obediat velociter, pectus gerit apertum, ut obediat toto corde; os tenet clausum, ut obediat sine murmure, bajulat res viles & abjectas, ut obediat etiam in rebus sensibus repugnantibus, pedibus fert ocreas, ut obediat constanter, ambabus manibus vasa tenet, ut obediat sincere seu integre, aures habet observantes, ut obediat in iis etiam quae ipsi auditu jucunda non sunt, caput inclinat, ut obediat humiliter. conf. Lucium lib. cit. p. 133. An vero & Jesuitissae hunc observent morem, adeo affirmari posse dubitamus, nam ipsarum Ordo speciatim consideratus tam accurate institutus non est ac sociorum, Cloppas seu Officiales superiores vix habent & habere etiam prohibentur juxta Bullam Urbani, talia quoque negotia expedienda non habent ac Jesuitae, adeoque votum obedientiae non pari modo agnoscunt; Attamen non detrectant, quod ipsis confessarii injungunt, juxta quorum consilia, quandam vivendi normam immediate subimetipsis praescribunt sequae ipsorum directioni in exercitiis spiritualibus subjiiciunt, adeo ut, cum inter alia perfectionem monasticam quaedam aemulantur, non inconsul-

to Confessario circa bona sua disponant, coeca itaque ipsarum obedientia est, & dependet ab unius ore. vid. Voëtius *Polit. Eccles. lib. 4. tract. 4. c. 9. p. 1012.*

§. XXXIX. Annon & moderna Jesuitissa docent? ita est; Equidem munus docendi pertinet ad quartum Jesuitarum votum, quod est: *progrande fidei*, se enim obligant in omnibus terrarum partibus propagare fidem. Alii nuncupant votum *mancipii*, quoniam vi hujus Praepositus generalis sui que Professio seu voto huic jurati Romano Pontifici ita adherere solent, ut alias ceteri Fratres tribus votis prioribus jurati adherent dicto Generali. Itaque Jesuitarum Professores existunt mancipia Pontificis, cui se totos obligant, quibus etiam ad omnium officiorum ac servitiorum genus exigendum utitur, quemadmodum gentiles olim suis mancipiis utebantur; At quod docendi Jesuitissarum munus speciatim concernit, negari non potest, quod ut olim huic voto se adstringere animo constituerant, ita & hodie, ubi possunt, se adstrictas eidem sentiant, nam, ut Bulla pap. testatur, *sub specie salutis animarum promovenda ingrediebantur, it. qua viri sacrarum literarum scientia, rerum usu, vitaeque innocentia spectatissimi difficile admodum, & non nisi magna circumspectione adhibita aggrediuntur, exercere consueverunt.* Ita & hodie volunt videri salutem hominum ipsis cura esse cordique. Non enim exiguam curam & pragmatiam rerum Ecclesiasticarum partem in se suscipiunt, catechizando rudiores, canendo voce & instrumentis in officio divino, haereticos convertendo, pauperes, aegros & afflictos visitando, nova quolibet curatis & sacerdotibus nunciando, missiones & legationes romano-ecclesiasticas imprimis in gratiam Jesuitarum & aliorum Regularium pro nosse & posse conciliando, promovendo; Sic postremum Usurpationis membrum ipsis speciatim imputasse inque eas invectum esse Phillippum Rovenium, Archiepiscopum Ultraject. in literis suis Romae scriptis ad Canonicum Capituli Mariani, *Wachtelerium.* vid. Voëtius *Polit. Eccles. Part. I. lib. 1. de Object. c. 2. Consect. 4. p. 34. 35. & Part. II. lib. I. tract. 4. cap. 3. Quest. 4. p. 208.* imprimis vero *lib. 4. tr. 4. Sect. 2. c. 9. p. 1012. seq.* Ita quoque Viennae, Praga aliisque in locis romano-catholicis puellas sub forma ac specie pietatis, ut & legendo, scribendo, &c. informant; sed spargunt potius juxta haec sensum impedimenta pietatis ac religionis, nec non adminicula & instrumenta ad superstitiones praebent, quinimo

conventus agunt atque continuant collegiali & communi correspon-
dentia absque Consensu Magistratus, de quo Belgium jam dudum est
conquestum; Alliciunt dein hæ mulierculæ alias puellas & artificiose
sibi attrahunt, easdemque parentum Religioni & obedientiæ subdu-
cunt, ita ut abeant invititis parentibus: conf. Voëtii *ultimum cit. loc.*
p. 1013. 1014.

§. XL. Sic Jesuitissæ differebant a cæteris Cloppis ratione for-
mæ; distinctæ autem abs. iisdem etiam sunt *ratione externi habitus seu*
vestitus. Certum est, Jesuitissas olim ex monasteriis monialium ad
castra Jesuitarum majorem partem transisse, signum schismatis
externum quoque fecisse atque certam aliquam pectoralis vestitus
partem gessisse, quo etiam externe novitia quædam religiose vivendi
societas non immerito dicenda esset, sic easdem Bulla describit: *Dis-*
tingtum a cæteris habitum usurpasse. Cui sententiæ assentiri videtur
Voëtius *loco cit. p. 1015*. Sic hodie unicuique ipsarum reliquum est
mutare vestes mundanas atque contemnere, votumque ejusmodi vel
DEO, vel sanctis, vel immediate Imaginibus Patris sui spiritualibus
nuncupare assolent. Ita in Germania hinc inde peculiari nigro habi-
tu circa pectora utuntur. Nota quidem ipsis de vestitu regula est: *Ha-*
bitum illorum conformem esse debere vestimentis, quibus Clerici & Sa-
cerdotes utuntur, ne novo & peregrino habitu hominibus, quibuscum
conversantur & agunt, molestiam & aversionem creent, it. vestes sint
mundæ & cum religiosa decentia compositæ. vid. *Reg. Magistri No-*
viti. Reg. 8. pag. 136. Sed Dn. Patres non curant admodum Re-
gulas, semper mutant vestitum, cum præprimis aliis in locis degunt,
ibi enim palliis philosophicis utuntur, vel incedunt ovium vestitu.
Cum claudunt calceos, inquirunt insimul: *Domine, non sum dignus,*
qui solvam corrigiam calceamenti tui, dum se constringunt: Cinge
Domine femora mea castitatis cingulo. Sic quoque indusium volunt
esse perpetuæ Castitatis devotæ memoriam. Sub tuniculis thoraces,
caligas & tibialia gestant, hæc singula interpretantur spirituali modo,
juxta *Eph. VI, 14. 15*.

§. XLI. Differunt Jesuitissæ a cæteris Cloppis ratione *morum &*
gestuum: Habent hinc Jesuitæ speciales Regulas modestiæ *p. 235. Reg. 2.*
Caput huc illuc leviter non moveatur, sed cum gravitate, ubi opus
erit: & si opus non sit tenentur rectum cum moderata inflexione in par-

tem anteriorem ad neutrum latus deflectendo, hanc bene servare sciunt Regulam, & ut alias de Jesuitis verum est, se habitu externo tam sancte tamque iuste atq; severe comparere, ut opinari quisqueat, *Johannem Baptistam* in severo suo cultu non fuisse sanctiorem: Ita semper in Jesuita hominem videmus humanissimum, si vultui, pientissimum ac humillimum, si gestui credamus, caput eleganter comitum & in unam partem habet inclinatum, ut videatur ejus similis, qui nostri causa in Cruce pependit, at gestuum apparatus est ovina pellis, larva virtutum, latetque sub isto habitu & vestitu vulpinus saepe animus ac serpens antiquus, Jesuitam ita in originali depictum quasi exhibet *Lucius. cit. lib. 6. 3. p. 13.* Idem de Jesuitis dici potest, certis in rebus abs ceteris Cloppis adeo non abeunt, cum Begvinis præprimis consentiunt in multis, excepto saltem, quod adeo nimis familiares & frequentes non vivant, sed ab hominum consortio plerumque sequestratae & alienae sint, quarum similium muliercularum exempla adduxisse fufius fertur *Alphonfus Rodriguez de perfectione status religiosi Tom. II. & III. edit. ult. Colon. in 8.*

§. XLII. Comparuerunt itaque *Jesuitissae*, quales olim fuerunt: quales sunt: Quod studium earum fuerit, & adhuc sit, jam simul indicavimus. An pari modo cum Jesuitis, Ecclesiae Romanae & Pontificis commodis velificatae sint, merito dubitatur. Quod vero Jesuitae commodo Ecclesiae Romano-catholicae contra Protestantes nunquam defuerint, testis est *Hospinianus Lib. 4. de doctrina Jesuit. p. 1076.* quinimo confessionem suam dextre satis edunt verbis seq. *Bellum, quod communi Christianorum consensu contra Mahumetanos geri oportuit, utilius ad DEI gloriam contra Sectarios, qui inter nos sunt, omittis Turcis verti debuisse,* adducere nolumus, quid Viri verè religiosi, tantum quid *Thuanus* ipse Pontificius judicet de hac sententia theologica: *Quod quam pie & juxta mansuetudinem christianam dicatur, ipsi, qui Conscientias aliorum moderantur conscientiam suam rogent. Lib. 67. p. 120.* Cum vero Jesuiticum regimen ac statum quatalem pensitemus, quo omnia suo gaudent ordine & quivis eorum, suum respiciendum habet Superiorem usque ad Praepositum generalem, qui Romae vitam plerumque vivit, alterumque Papam quasi representat, quid enim Papa in Ecclesia Romana, id Generalis hic penes ordinem suum valet; Rebus itaque sic se habentibus, difficile

multis videtur horum sperare interitum. *Cæsariani* olim & *Octavianiani*, Posteriores scilicet *Cæsaris* & *Octavii* divinalle dicuntur: Jesuitas quidem Papatu magnum fulcimentum præbere, attamen non esse destitutos usque dum sanctum Patrem Romanum throno suo deiecissent papali, inque eundem ascendissent, ut ex ore horum Prophetarum audivisse jactat *Hafenmüllerus Hist. Ord. Jesuit. c. 2. de Nominis Jesuit. p. 24. seq.* At saniores Jesuitarum ipsi *Loyolæ* Prophetiæ magis assentiuntur, cum dixit: *Societatem Jesu tam diu esse duraturam, quamdiu alii eandem prosequerentur: Si autem obtineret, nec ultro persecutiones sentiret, tunc esse casuram;* Recensemus ex ore cujusdam societati Jesu quondam addicti, nunc autem per DEI gratiam illuminati & conversi; *Vaticinio* itaque *Ignatii* assentiendum satius existimamus. Quemadmodum autem culmen honoris, gloriæ ac superioritatis attigisse non parum videntur, ita spes sui interitus magis crescit, quia cum primis inter se dissentire ipsi incipiant; Non exiguus inter istos erat dissensus Romæ anno 1693. cum ipsorum Generalis abusus quosdam constitutionibus *Ignatii* contrarios abrogare conatus est, litem vero compositam iterum brevi tempore possumus experti; ut solent, cum dissensio oriri inter ipsos videtur, verentur enim, ne, si schismata inter se foveant, tota cadere cætera incipiat. Boni nec quicquam auguratus est de ipsis quondam *Melchior Canus*, Episcopus Canariensis, magnum illud Ecclesiæ Hispanicæ Lumen, cum regnum id intrasse modo eosdem putaret, conclusit statim, nunc mundi finem instare & Antichristum quam primum esse venturum (juxta ipsius seu Pontificii opinionem erroneam) quoniam apparerent ipsius Præcursores & speculatores, & sic a Cano se vocatos ipsi non negant, vid. *Prefat. in lib. Gall. La Moral-Pratique des Jesuites.* Forsitan vero & ante finem mundi horum instat interitus, si certum est, quod *Floravantius*, Jesuita, *P. Urbani* Confessarius dixit, cum legisset *Marianæ* librum *del gioverno de la compagnia di JESUS*, cum gemitu exclamavit: *Heu! Heu! actum est de nobis Jesuitis, quando nimis vera sunt, quæ liber hic cantat,* quare & Pontificem magnopere obtestatus est, ut societatem Jesu quam commendatissimam habere, institutaque ejus reformatione certissimum interitum ab ea amoliri vellet, adjecit insimul: *nec verbis exprimi posse, quantum in ea discessum sit a religio-*

logia

ligiose disciplinae observantia. vid. Hoornbeeckius *Exam. Bulle* p. 47. O si *Floravanti* Prophetiae res in eventu ex voto respondeat ac *Tarvisi*, Patriarchae olim Venetorum, qui jurejurando confirmavit, Jesuitas ob suos seditiosos spiritus olim Venetiis iri expulsam, quod & annos 50 post feliciter factum est, quia inauditam plane discordiam ac scissuras non unas ibidem excitaverunt, vid. *cit. Praef. lib. Gall. La moral Pratique des Jesuites.* Comparantur alias *Equitibus Templariis* ob maximas praesertim divitias; An Jesuitae, auri custodes faceri & horum fata quondam experturi sint, tempus docebit; Ad minimum omnium Romano-Catholicorum ferme odium concitarunt sibi jam dudum, quae una rationum erat haud exigua, quod Equites Templarii fuerint extirpati. Cum igitur instat horum Interitus & Jesuitissimum ruina hunc omnino sequetur, quod multi nobiscum sperabunt.

§. XLIII. Et sic habes, *LECTOR BENEVOLE*, argumenti nobis propositi brevem, qualicuit, deductionem exercitationis academicae loco; Si nostris perlustrare oculis contigisset Belgarum, penes quos Jesuitissimae maximam partem semper commoratae sunt, seu Colonienarium Bibliothecas, sane plura tum manuscripta tum typis expressa eaque rariora promittere nobis potuissimus, sed non omnibus adire licet Corinthum; Qua de causa *LECTOREM BENEVOOLUM* veniam sponte nobis daturum speramus. Nostram hic illud facimus *Ausonii*:

*Alius alio plura invenire potest;
Nemo omnia!*

E P I M E T P A.

I.

Optima in scholis docendi methodus est, quae per examen instituitur.

2. Prae-

Præceptores, c
rium, Nonnarum i
recitare adstringun

Præceptores ex
scipulorum melius
quam alii, qui ipso
ficiunt.

Qui tenera Inge
maticalibus latin
vant, minus pr

S. D

ERR

§. 4. lin. 6. lege nunc. §. 5. lin.
menti. lin. 6. l. decennio 2.
l. Philosophiæ. lin. 46. l.
explicationem. lin. 68. l.
lin. 11. l. Matthia. lin. 14, l.
tarent. lin. 26. l. eadem p
§. 36. lin. 14. l. contendunt

2.

es, qui puellas Psalterium instar, memoriter
ingunt, male faciunt.

3.

es examina suorum di-
melius instituere sciunt,
ipforum profectus ne-

4.

a Ingenia Regulis gram-
latinis obruendo gra-
us prudenter agunt.

S. D. G.

ERRATA.

§. 5. lin. 19. l. nomen. §. 7. lin. 5. l. Parla-
decennio 2. §. 9. lin. 9. l. juxta. §. 11. lin. 33.
lin. 46. l. Wolffius. lin. 64. l. secula. lin. 65.
lin. 68. l. Arnaldus. §. 12, lin. 1. l. affectat.
lin. 14, l. audivisset. §. 20. lin. 8. l. pervoli-
eadem pro eodem. §. 23. lin. 11. l. Pratique
ontendentes.